

唐詩紀

T5237.47/4831(20)

HARVARD-YENCHING LIBRARY
HARVARD UNIVERSITY
2 DIVINITY AVENUE

Gift of Hart

SEP 12 1983

盛唐第二十一

哈爾濱大學
圖書館
珍藏
印

唐詩紀八十一

滁陽方一元彙編

海寧方天眷重訂

孟浩然四

七言律詩

登安陽城樓

縣城南面漢江流
江漲開成南雍州
才子乘春來
騁望羣公暇
日坐銷憂樓
臺晚映青山
郭羅綺晴
驕綠水洲
向夕波搖
明月動更疑
神女弄珠遊

登萬歲樓

萬歲樓頭望故鄉
獨令鄉思更茫茫
天寒鴈度堪垂淚
日一作月落猿啼欲斷腸
曲引古堤臨凍浦
斜分遠岸近枯楊
今朝偶見同袍友
却喜家書寄八行

除夜有懷

五更鐘漏欲相催
四氣推遷往復迴
帳裏殘燈纔去
一作猶有焰爐中香氣盡
成灰
漸看春逼芙蓉枕
頻覺寒銷竹葉杯
守歲家家應未卧
相思那得夢魂來

春情

青樓曉日一作色珠簾映紅粉
春妝寶鏡催已厭交
歡憐枕席相將遊
戲繞池臺坐時衣帶縈
織草行即裙裾掃落梅
更道明朝不當作相期
共鬪管絃來

五言排律

長安早春

又作張子容詩

關戍一作開國惟東井
城池起北辰
咸歌太平日
共樂

建寅春雪盡青山樹水開黑水濱草迎金埒馬花
件玉樓人鴻漸看無數鶯歌聽欲頻何當遂榮一作
桂枝擢歸及柳條新

荆門上張丞相

共理分荆國招賢媿楚材召南風更闡丞相閣還
開靚止欣看曉沈淪拔草萊坐登徐孺榻頻接李
膺杯始慰蟬鳴柳俄看雪間梅四時年籥盡千里
客程催日下瞻歸翼沙邊厭曝鰓佇聞宣室召星

象列三台

一作復中台

陪張丞相登荆城樓因寄荆州

一作蘇臺張使

君及浪泊戍主劉家

蘇門天北畔銅柱日南端出守聲彌遠投荒法未
寬側身聊倚望携手莫同歡白壁無瑕玷青松有
歲寒府中丞相閣江上使君灘興盡迴舟去方知
茲一作行路難

陪張丞相祠紫蓋山途經玉泉寺

望秩宣王命齋心待漏行青衿列胄子從事有參
卿五馬尋歸路雙林指化城聞鐘度門近照膽玉

泉清皂蓋依松憩，緇徒擁錫迎。天宮上兜率，沙界
豁迷明。欲就終焉志，先一作聞智者名。人隨逝水
沒一作波逐覆舟。傾想像若在眼，周流空復情。謝
公還欲卧，誰與濟蒼生。

陪張丞相自松滋江東泊渚宮

放溜下松滋，登舟命楫師。詎一作忘經濟日，不憚
沍寒時。洗幘豈獨古，濯纓良在茲。政成人自理，機
息鳥無疑。雲物疑孤嶼，江山辨四維。晚來風稍急，
一作緊冬至日行遲。獵響驚雲夢，漁歌激楚辭。清

何處是川暝，欲安之一作坻

和張判官登萬山亭因贈洪府都督韓公

韓公是襄士，日賞城西岑。結構意不淺，巖潭趣轉

亦一作深。皇華一動詠，荆國幾謠一作吟。舊徑蘭勿

剪，新堤柳欲陰。砌傍餘怪石，沙上有閑禽。自牧豫
章郡，空瞻楓樹林。因聲寄流水，善聽在知音。耆舊
眇不接，崔徐無處尋。物情多貴遠，賢俊豈無今。遲
爾長江暮，澄清一洗心。

和宋太史北樓新亭

返耕意未遂日夕登城隅誰謂山林近坐爲符竹
拘麗譙非改作軒檻是新圖遠水自蟠冢長雲吞
具區願爲一作隨江燕賀羞逐府僚趨欲識狂歌者

一作客丘園一豎儒

贈蕭少府

上德如流水安仁道若山聞君秉高節爲一作得

奉清顏鴻漸昇儀一作台羽牛刀列下班處腴能不

潤居劇體常閑去詐人無諂除斜吏息姦欲知清

與潔明月照澄灣

秦中苦雨思歸贈袁左丞賀侍郎

苦一作爲學三十載閉門江漢陰用賢遭聖日一作明駁

逢聖代羈旅屬秋霖豈直昏墊苦亦爲權勢沈二毛

催白髮百鎰罄黃金淚憶峴山墮愁懷湘水深謝

公積憤懣莊鳥空謠吟躍馬非吾事狎鷗宜一作真

我心寄言當路者去矣北山岑

同張明府碧谿贈荅

別業聞新製同聲和者多還看碧谿荅不羨綠珠

歌自有陽臺女朝朝拾翠過綺筵鋪錦繡妝牖閉

言絲
藤蘿秩滿休閑日春餘景氣一作色和仙鳧能作伴

羅襪共凌波曲一作別島尋花藥迴潭折芰荷更憐

斜日照紅粉豔青娥

久滯越中貽謝南池會稽賀少府

陳平無產業尼父倦東西負郭昔云翳問津今亦

迷未能忘魏闕空此滯秦稽兩見夏雲起再聞春

鳥啼懷仙梅福市訪舊若耶谿聖主賢為寶君何

隱遯棲

送韓使君除洪州都曹

韓公父常為襄州使

述職撫荆衡分符襲寵榮往來看擁傳前後賴尋

城勿翦棠猶在波澄水更清重推江漢理一作治旋

改豫章行召父多遺愛羊公有令名衣冠列祖道

耆舊擁前旌一作程峴首晨風送一作接江陵夜火迎

無才慙孺子千里愧同聲

送莫甥兼諸昆弟從韓司馬入西軍

念爾習詩禮未曾違戶庭平生早偏露一作嚴君先早露

萬里更飄零坐棄三牲養一作冬業行觀八陣形飾裝

辭故里謀策赴邊庭壯志吞鴻鵠遙心伴鵲鷓所

從文與武不戰自應寧

峴山送蕭員外之荊州

峴山江岸曲郢水郭門前自古登臨處非今獨黯
然亭樓明落照井邑秀通川澗竹生幽興林風入
管絃再飛鵬激水一舉鶴冲天佇立三荆使看君
駟馬旋

送王昌齡之嶺南

洞庭去遠近楓葉早驚一作經秋峴首羊公愛長沙
賈誼愁土毛無縞紵鄉味有槎頭已抱沈痼疾更

貽魑魅憂數年同筆硯茲夕間衾裯意氣今何在
相思望斗牛

峴山送張去非遊巴東

峴山南郭外送別每登臨沙岸江村近村門山寺
深一言予有贈三峽爾將尋祖席宜城酒征途雲
夢林蹉跎遊子意眷戀故人心去矣勿淹滯巴東
猿夜吟

奉先張明府休沐還鄉海亭宴集

探得
堦字

自君理畿甸予亦經江淮萬里音信斷數年雲雨

言終
每歸來休澣日始得賞心諧
朱紱恩雖重滄洲趣
每懷樹低新舞閣山對舊書齋
何以發秋興陰蟲
鳴夜堦

宴張記室宅

甲第金張館門庭車騎多家封漢陽郡文會楚材
過曲島浮觴酌前山入詠歌妓堂花映發書閣柳
透迤玉指調箏柱金泥飾舞羅寧一作誰知書劍者
歲月獨蹉跎

宴崔明府宅夜觀妓

畫堂觀妙妓長夜正留賓燭吐蓮花豔妝成桃李
春髻鬟低舞席衫袖掩歌脣汗濕偏宜粉羅輕詎
着身調移箏柱促歡會酒杯頻倘使曹王見應嫌
洛浦神

外
盧明府九日峴山宴袁使君張郎中崔員

宇宙誰開闢江山此鬱盤參臨今古用風俗歲時
觀地理荊州分天涯楚塞寬百城今刺史華省舊
郎官共美重陽節俱懷落帽歡酒邀彭澤載琴輟

武城彈獻壽先浮菊尋幽或藉一作坐蘭煙虹鋪藻

翰麗一作麗松竹挂衣冠叔子神如在山公興欲一作未

闌傳聞騎馬醉還向習池看

登龍興寺閣

閣道乘空出披軒遠目開逶迤見江勢客至屢緣

迴茲郡何填委遙山復幾哉蒼蒼皆草木處處盡

樓臺驟雨一陽散行舟四海來鳥歸餘興遠周覽

更徘徊

登總持寺浮圖

半空躋寶塔晴望盡京華竹遶渭川遍山連上苑

斜四門一作郊開帝宅阡陌俯人家累劫從初地為

童憶聚沙一窺功德見彌益道心加坐覺諸天近

空香送一作逐落花

與崔二十一遊鏡湖寄包賀二公

試覽鏡湖物中流到一作見底清不知鱸魚味但識

鷗鳥情帆得樵風送春逢穀雨晴將探一作特夏禹

穴稍背越王城府掾有包子文章推賀生滄浪醉

後唱因此寄同聲

夜登孔伯昭南樓時沈太清朱昇在座

誰家無風月此地有琴樽山水會稽郡詩書孔氏

門再來值秋杪高閣夜一作無喧華燭罷然蠟清

絃方奏鷓鴣沈生隱侯胤朱子買臣孫好我意不淺

登茲共話言

陪盧明府泛舟迴作

百里行春返清流逸興多鷓鴣舟隨鴈泊一作鳥沒江火

共星羅已救田家旱仍醫一作憂俗化訛文章推後

輩風雅激頽波高岸迷陵谷新聲滿棹歌猶憐不

才子白首未登科

臘月八日於剡縣石城寺禮拜

石壁開金像香山倚一作繞鐵圍下生彌勒見回向

一心歸竹柏禪庭古樓臺世界稀夕嵐增氣色餘

照發光輝講席邀談柄泉堂施浴衣願承功德水

從此濯塵機

同獨孤使君東齋作

郎官舊華省天子命分憂襄土歲頻旱隨車雨再

流雲陰自南楚河潤及東周解宇宜新霽田家賀

詩經 卷之三
有秋竹間殘照入池上夕陽浮寄謝東陽守何如
八詠樓

同王九題就師山房

晚憩支公室故人逢右軍軒窗避炎暑翰墨動斯

一作文竹蔽簷前一作日雨隨階下雲周旋清蔭

新徧吟卧夕陽曛江靜棹歌歇谿深樵語聞歸途未

忍去攜手戀清芬

冬至後過吳張二子檀谿別業

卜築因自然檀谿更不穿園廬二友接水竹數家

連直與一作南山對非關選地偏近本此下有上

護王宣曾是歌三樂草堂時偃曝蘭榭日周旋外仍聞詠五篇四句

事情都遠中流性所便閑垂太公釣興發子猷船

余亦幽棲者經過竊慕焉梅花殘臘月一作柳色

半春天鳥泊隨陽鴈魚藏縮項鱸停杯問山簡何

似習池邊

韓大使東齋會岳上人諸學士

郡守虛陳榻林間召楚材山川祈雨畢品一作物

喜晴開抗禮尊縫掖臨流揖渡杯徒攀朱仲李更

言
誰一作薦和羹梅翰墨緣情製高深以意裁滄洲趣
不遠何必問蓬萊

上巳日澗南園期王山人陳七諸公不至
搖艇候明發花源弄晚春在山還綺季臨漢憶荀
陳上巳期三月浮杯興十旬坐歌空有待行樂恨
無鄰日晚蘭亭北煙開一作花曲水濱浴蠶逢姹女
采艾值幽人石壁堪題序沙場好解神一作紳羣公
望不至虛擲此芳晨

齒坐早

諸隱

習公有遺坐高在白雲陞樵子不見識山僧賞
知以余爲好事攜手一來窺竹露閑夜滴松風清
晝吹從來抱微尚况復感前規於此無竒策蒼生
奚以爲

來闍黎新亭作

八解禪林秀三明給苑才地偏香界遠心淨水亭
開傍險山查立尋幽石逕迴瑞花長自下靈藥豈
須栽碧網交紅樹清泉盡綠苔戲魚聞法聚閑鳥
誦經來棄象玄應悟忘言理必該靜中何所得吟

詠也徒哉

西山尋辛諤

漾舟尋

一作乘

水便因訪故人居落日清川裏誰言

獨羨魚石潭窺洞徹沙岸歷紆徐竹嶼見垂釣茅

齋聞讀書欵言忘景夕清興屬涼初回也一瓢飲

賢哉常晏如

題長安主人壁

久廢南山田謬

一作明

陪東閣賢欲隨平子去猶未

獻甘泉枕籍

一作席

琴書滿寒帷遠岫連我來如昨

日庭樹忽鳴蟬促織驚寒五一作感秋風思

長年授

衣當九月無褐竟誰憐

行出東山望漢川

異縣非吾土連山盡綠篁平田出郭少盤坂入雲

長萬壑歸於漢千峯劃彼蒼猿聲亂楚峽人語帶

巴鄉石上攢椒樹藤間綴蜜房雪餘春未煖嵐解

晝初陽征馬疲登頓歸帆愛渺茫坐欣沿溜下信

宿見維桑

夜泊宣城界

西塞沿江島南陵問驛樓湖平津濟闊風止客帆
收去去懷前事一作浦茫茫泛夕流石逢羅刹礙山
泊敬亭幽火識一作熾梅根冶煙迷楊葉洲離家復
水宿相伴賴沙鷗

下瀨石

瀨石三百里沿洄千嶂間沸聲常浩浩洄勢亦潺
潺跳沫魚龍沸垂藤猿狖攀榜人苦奔峭而我忘
險艱放溜情深一作彌愜登艫目自閑暝帆何處宿

一作泊遙指落星灣

初年樂城館中卧疾懷歸作

異縣天隅僻孤帆海畔過往來鄉信斷留滯客情
多臘月聞雷震東風感歲和蟄蟲驚戶穴巢鵲晒
庭柯徒對芳樽酒其如伏枕何歸歟一作來理舟楫
江海正無波

五言絕句

醉後贈馬一作高四

四海重然諾吾嘗聞白眉秦城遊俠窟一作客相得
半酣時

詩經
送友人
贈王九

日暮田家遠山中
勿久淹歸人須早去
稚子望陶潛

登峴山亭寄晉陵張少府

峴首風湍急雲帆若鳥飛
憑軒試一問張翰欲來歸

送朱大人入秦

遊人武陵去寶劍直千金
分手脫相贈平生一片心

送友人之京

君登青雲去予望青山
歸雲山從此別淚濕薜蘿

送張郎中遷京

碧谿常共賞朱邸忽遷榮
豫有相思意聞君琴上聲

同張將薊門觀燈

異俗非鄉俗新年改故年
薊門看火樹疑是燭龍然

張郎中梅園中

綺席鋪蘭杜珠盤折芰荷故園留不住應是戀絃歌

北澗泛舟

北澗流恒滿浮舟觸處通沿洄自有趣何必五湖中

春曉

春眠不覺曉處處聞啼鳥夜來風雨聲花落知多

少一作欲知昨夜風花落無多少

洛中訪袁拾遺不遇

洛陽訪才子江嶺作流人聞說梅花早何如北

作

此地春

尋菊花潭主人不遇

行至菊花潭村西日已斜主人登高去雞犬空在

檀谿尋故人

花伴成龍竹池分躍馬谿田園人不見疑向洞中

棲一作武陵迷

楊子津望京口

北固臨京口夷山近

一作對

海濱江風白浪起愁殺

渡頭人

同儲十二洛陽道中作

珠彈繁華子金羈遊俠人酒酣白日暮走馬入紅

塵

初下浙江舟中口號

八月觀潮

一作濤

罷三江越海濤回瞻魏闕路空

一作

無復子牟心

宿建德江

移舟泊煙渚日暮客愁新野曠天低樹江清月近人

問舟子

向夕問舟子前程復

一作無

幾多灣頭正堪

一作好

泊

淮裏足風波

戲題

一作贈主人

客醉眠未起主人呼解醒已言雞黍熟復道

一作說

甕頭清

詩已

盛唐卷之二

十七

七言絕句

涼州詞

渾成紫檀金屑文
作得琵琶聲入雲
胡地迢迢三萬里
那堪馬上送明君

異方之樂令人悲
羌笛不用吹坐看
今夜關山月思殺
邊城游俠兒

送新安張少府歸秦中

試登秦嶺望秦川
遙憶青門春可憐
仲月送君從此去
瓜時須及邵平田

送杜十四之江南

一題作送杜晃
進士之東吳

荆吳相接水為鄉
君去春江正淼茫
日暮征帆何處泊

一作泊
何處

天涯

一望斷人腸

渡浙江問舟中人

潮落江平未有風
扁舟共濟與君同
時時引領望天末
何處青山是越中

初秋

不覺初秋夜漸長
清風習習重淒涼
炎天暑退茅齋靜
塔下叢莎有露光

不實以火文補之書月信...
賦煉

天末可與青山長
天末可與青山長
天末可與青山長

賦萃玉平未休風扇共
賦萃玉平未休風扇共
賦萃玉平未休風扇共

賦萃玉閣飛中人

賦萃玉閣飛中人
賦萃玉閣飛中人
賦萃玉閣飛中人

賦萃玉閣飛中人
賦萃玉閣飛中人
賦萃玉閣飛中人

賦萃玉閣飛中人
賦萃玉閣飛中人
賦萃玉閣飛中人

盛唐第二十一
唐詩紀

滁陽方一元彙編

海寧方天眷重訂

王昌齡
新唐書云字少伯江寧人第進士補秘書郎又中宏詞科遷汜水尉不護細行

貶龍標尉世亂還鄉為刺史問丘曉所殺其詩緒密而思清時謂王江寧云殷璠云元

嘉以還四百年內曹劉陸謝風骨頓盡頃有太原王昌齡魯國儲光羲克嗣厥迹且兩賢

氣同體別而稍聲峻余嘗觀王公長平伏窻又弔枳道賦仁有餘也奈何晚節不矜細行

謗議沸騰垂歷遐荒使知音者歎息

五言古詩

塞下曲四首

蟬鳴空桑林一作桑八月蕭關道出塞入塞寒一作

出塞復處處黃蘆草從來幽并客皆共塵沙老莫

學游俠兒矜誇紫驕好

飲馬渡秋水水寒風似刀平沙日未沒黯黯見臨

洮昔日長一作龍城戰咸言意氣高黃塵是今古白

骨亂蓬蒿

奉詔甘泉宮總徵天下兵朝廷備禮出郡國豫郊

迎紛紛幾萬人去者無全生臣願節宮廡分以賜

邊城

邊頭何慘慘已葬霍將軍部曲皆相弓燕南代北

聞功勳多被黜兵馬亦尋分更遣黃龍戍唯當哭

塞雲

塞上曲

秋風夜渡河吹却鴈門桑遙見胡地獵鞞馬宿嚴

霜五道分兵去孤軍百戰場功多翻下獄士卒但

心傷

從軍行二首

詩已

盛唐卷之二十一

二

向夕臨大荒朔風軫歸慮平沙萬里餘飛鳥宿何
處虜騎獵長原翩翩傍河去邊聲搖白草海氣生
黃霧百戰苦風塵十年履霜露雖投定遠筆未坐
將軍樹早知行路難悔不理章句
秋草馬蹄輕角弓持弦急去爲龍城戰正值胡兵
襲軍氣橫大荒戰酣日將入長風金鼓動白露鐵
衣濕四起愁邊聲南庭時竚立斷蓬孤自轉寒鳥
飛相及萬里雲沙漲平原冰霰澀惟聞漢使還
獨向刀環泣

少年行二首

西陵俠少年送客短長亭青槐夾兩道一作路白馬

如流星聞道羽書急單于寇井陘氣高輕赴難誰

顧一作願燕山銘

走馬遠相尋西樓下夕陰結交期一劍留意贈千

金高閣歌聲遠重門柳色深夜闌須盡飲莫負百

年心

變行路難

向晚橫吹悲風動馬嘶合前驅引旗一作旌節千里

陣雲匝單于下陰山沙礫空颯颯封侯取一戰豈
復念閨閣

長歌行

曠野饒悲風颼颼黃

多一作

蒿草繫馬倚白楊誰知

我懷抱所是同袍者相逢盡衰老北

况一作

登漢家

陵南望長安道下有枯樹根上有鼯

鼯一作

鼠窠高

皇子孫盡千載無人過寶玉頻發掘精靈其奈何

人生須達

信一作

命有酒且長歌

悲哉行二首

勿聽白頭吟人間易憂怨若非滄浪子安得從所
願北上太行山臨風閱吹萬長雲數千里倏忽過
膚寸觀其微滅時精意莫能論百年不容息是處
生意蔓始悟海上人辭君永飛遯

古意

桃花四面發桃葉一枝開欲暮黃鸝轉傷心玉鏡
臺清箏向明月半夜春風來

放歌行

南渡洛陽津西望十一樓明堂坐天子月朔朝諸

侯清樂動千門皇風被九州慶雲從東來一作出決

漭抱日流昇平貴論道文墨將何求有詔徵草澤

微誠將獻謀一作獻冠冕如星羅拜揖曹與周望

塵非吾一作君事入賦且遲留幸蒙國士識因脫負

薪裘今者放歌行以慰梁甫愁但營數斗祿奉養

每豐羞若得金膏遂飛雲亦可儔一作求

越女

越女作桂舟還將桂為楫湖上水渺漫清江不可

涉摘取芙蓉花莫摘芙蓉葉將歸問夫壻顏色何

如妾

鄭縣宿陶太公館中贈馮六元二

儒有輕王侯脫畧當世務一作本家藍田下一作

非為漁弋故無何困躬耕且欲馳永路幽居與君

近出谷同所驚一作務昨日辭石門五年變秋露雲

龍未相感干謁亦已屢子為黃綬羈余忝蓬山顧

京門望西嶽百里見郊樹飛雨祠上一作來靄然

關中暮驅車鄭城宿秉燭論往素山月出華陰開

此河渚霧清光比故人豁達展心晤馮公尚戢翼

言終
盛唐卷之二十一
元子仍跼步拂衣易爲高淪跡難有趣張范善終
始吾等豈不慕罷酒當涼風屈伸備冥數

聽彈風入松闕贈楊補闕

商風入我絃夜竹深有露絃悲與林寂清景不可
度寥落幽居心颼颼青松樹松風吹草白谿水寒
日暮聲意去復還九變一作辨待一顧空山多雨雪
獨立君始悟

緱氏尉沈興宗置酒南谿畱贈

林色與谿古深篁引幽翠山樽在漁舟棹月情已

醉始窮清源口壑絕人境異春泉滴空崖萌草拆
陰地久之風榛寂遠聞樵聲至海鴈時獨飛永然
滄洲意古時青冥客滅跡淪一尉吾子躊躇心豈
其紛埃事緱峯信所尅濟北餘乃遂齊物意已會
一作可息肩理猶未卷舒形性表脫畧賢哲議仲
任今月期角巾飯僧嵩陽寺

爲張儂贈閩使臣

哀哀獻玉人楚國同悲辛泣盡繼以血何由辨其
真賴承琢磨惠復使光輝新猶畏讒口疾棄之如

言
卷之三十一
六
埃塵

贈史昭

東林月未升廓落星與漢是夕鴻始來齋中起長
歎懷哉望南浦眇然夜將半但有秋水聲愁使心
神亂握中何爲贈瑤草已衰散海鱗未化時各在
天一岸

秋山寄陳謙言

巖間寒事早衆山木已黃北風何蕭蕭茲夕露爲
霜感激未能寐中宵時慨慷黃蟲初悲鳴玄鳥去
鴻鴈今南翔

出郴山口至疊石灣野人室中寄張十一

我梁獨卧時易晚離羣情更傷思君若一作不及
櫛柎無冬春柯葉連峯稠陰壁下蒼黑煙含清江
樓景開獨沿曳響谷隨興酬旦夕望吾友如何迅
孤舟疊沙積爲岡崩剝用露幽石脉盡橫亘潛潭
何時流旣見萬古色頗盡一物由永與世人遠氣
還草木收盈縮理無餘今往何必憂郴土羣山高
耆老如中州孰云議舛降豈是娛宦遊陰火昔所

伏丹砂將爾謀昨臨蘇耽井復向衡陽求同一作問
 疾來相依脫身當有籌數月乃離居風湍成阻條
 野人善竹器童子能谿謳寒月波蕩漾羈鴻去悠
 悠

宿灞上寄侍御璵弟

獨飲灞上亭寒山青門外長雲驟落日桑棗寂已
 晦古人驅馳者宿此凡幾代佐邑由東南豈不知
 進退吾宗秉全璞楚得璆琳最茅山就一徵柏署
 起三載道契非物理神交無畱礙知我滄溟心脫

畧腐儒輩孟冬鑾輿出陽谷羣臣會半夜馳道喧
 五侯擁軒蓋是時燕齊客獻術蓬瀛內甚悅我皇
 心得與王母對賤臣欲干謁稽首期殞碎哲弟感
 我情問易窮否泰良馬足尚踈寶刀光未淬昨聞
 羽書飛兵氣連朔塞諸將多失律廟堂始追悔安
 能召書生願得論要害戎夷非草木侵逐使狼狽
 雖有屠城功亦有降虜輩兵糧如山積恩澤如雨
 霈羸卒不可興磧地無足愛若用匹夫策坐令重
 圍潰不費黃金資寧求白壁賚明主憂旣遠邊事

亦可大荷寵務推誠離言深慷慨霜搖直指草燭
引明光珮公論日夕阻朝廷蹉跎會孤城海門月
萬里流光帶不應百尺松空老鍾山靄

次汝中寄河南南陳贊府

汝山方聯延伊水纔明滅遙見入楚雲又此空館
月紛然馳夢想不謂遠離別京邑多歡娛衡湘暫
沿越明湖春草遍秋桂白花發豈惟長思君日夕
在魏闕

同從弟銷南齋翫月憶山陰崔少府

高卧南齋時開帷月初吐清輝淡水木演漾在牕
戶苒苒幾盈虛澄澄變今古美人清江畔是夜越
吟苦千里其如何微風吹蘭一作杜

代扶風主人荅

殺氣凝不流風悲日一作月彩寒浮埃起四遠遊子
彌一作迷不歡依然宿扶風沽酒聊自寬寸心亦未
理長鋏誰能彈主人就我飲對我還慨歎便泣數
行淚因歌行路難十五役邊地三回討樓蘭連年
不解甲積日無所餐將軍降匈奴國使沒桑乾去

詩經
盛唐卷之二十一
九
時三十萬獨自還長安不信沙場苦君看刀箭瘢
鄉親悉零落塚墓亦摧殘仰攀青松枝慟絕傷心
肝禽獸悲不去路傍誰忍看幸逢休明代寰宇靜
波瀾老馬思伏櫪長鳴力已殫少年與運會何事
發悲端天子初封禪賢良刷羽翰三邊悉如此否
泰亦須觀

酬鴻臚裴主簿雨後北樓見贈

暮霞照新晴歸雲猶相逐有懷晨昏暇想見登眺
目問禮侍彤襜題詩訪茅屋高樓多古今陳事滿

陵谷地又微子封臺餘孝王築徘徊顧霄漢豁遠

俯川陸遠水對孤

一作秋

城長天向喬木公門何清

靜列戟森已肅不歎携手稀常思着鞭速終當拂
羽翰輕舉隨鴻鵠

送任五之桂林

楚客醉孤舟越水將引棹山爲兩鄉別月帶千里
貌羈譴同繪綸僻幽聞虎豹桂林寒色在苦節知
所効

山中別龐十

幽娟松篠徑月出寒蟬鳴散髮卧其下誰知孤隱
情吟時白一作碧雲合釣處一作罷玄潭清瓊樹方杳
靄鳳兮保其貞

蕃別伊闕張少府郭都尉

遷客就一醉主人空金壘江湖青山底欲去仍徘徊
郭侯未相識策馬伊川來把手相勸勉不應老
塵埃孟陽逢山舊仙館留清才日晚勸趣別風長
雲逐開幸隨板輿遠負譴何憂哉唯有仗忠信音
書報雲雷

送韋十二兵曹

縣職如長纓終日檢我身平明趨郡府不得展
人故人念江湖富貴如埃塵迹在戎府掾心遊
台春獨立浦邊鶴白雲長相親南風忽至吳分散
還入秦寒夜天光白海靜月色真對坐論歲暮絃
悲豈一作歌起無因平生馳驅分非謂杯酒仁出處兩
不合忠貞何由伸看君孤舟去且欲歌垂綸

東京府縣諸公與綦毋潛李頎相送至白

馬寺宿

鞍馬上東門徘徊入孤舟賢豪相追送卽棹千里
流赤岸一作遠峯落日在空波微煙收薄宦忘機括醉

來卽一作復淹留月明見古寺林外登高樓南風開

長廊夏夜如涼秋江月照吳縣西歸夢中遊

送東林廉上人歸廬山

石谿流已亂苔徑人漸微日暮東林下山僧還獨

歸昔爲廬峯意况與遠公違道性深寂寞世情多

是非會尋名山去豈復望清輝

留別武陵袁丞

皇恩暫遷謫待罪逢知己從此武陵谿孤舟二千

里桃花遺古岸金澗流春水誰識馬將軍忠貞抱

生死

別劉諤

天地寒更雨蒼茫楚城陰一樽廣陵酒十載衡陽

心倚仗不可料悲歡豈易尋相逢成遠別後會何

如今身在江海上雲連京國深行當務功業策馬

何駸駸

岳陽別李十七越賓

言系
相逢楚水寒舟在洞庭驛具陳江波事不異淪棄
跡杉上秋雨聲悲切蒹葭夕彈琴收餘響來送千
里客平明孤帆心歲晚濟代策時在身未充瀟湘
不盈畫湖小洲渚聯澹淡煙景碧魚鱉自有性龜
龍無能易譴黜同所安風土任所適閉門觀玄化
携手遺損益

留別岑參兄弟

江城建業樓山盡滄海頭副職守茲縣東南棹孤
舟長安故人宅秣馬經前秋便以風雪暮還爲縱

飲留貂蟬七葉貴鴻鵠萬里遊何必念鍾鼎所在
烹肥牛爲君嘯一曲且莫彈箜篌徒見枯者豔誰
言直如鈎岑家雙瓊樹騰光難爲儔誰言青門悲
俯期吳山幽日西石門嶠月吐金陵洲追隨探靈
怪豈不驕王侯

送劉昶虛歸取宏詞解

太清聞海鶴遊子引鄉眄聲隨羽儀遠勢與歸雲
便青桂春再榮白雲暮來變遷飛在禮儀豈復淚
如霰

巴陵別劉處士

一作巴陵劉處士東齋作

劉生隱岳陽心遠洞庭水
偃帆入山郭一宿楚雲
裏竹映秋館深月寒江風
一作門起煙波桂陽接日
夕數千里嫋嫋清夜猿孤舟坐如此湘中有來鴈
雨雪候音旨

宿裴氏山莊

蒼蒼竹林暮吾亦知所投
靜坐山齋月清谿聞遠
流西峯下微雨向曉
一作晚白雲收遂解塵中組
終南春可遊
盛唐第二十一

盛唐第二十二

唐詩

滁陽方一元彙編
海寧方天眷重訂

王昌齡

五言古詩

詠史

荷畚至洛陽胡馬屯北門
天下裂其土豺狼滿中原
明夷方濟世歛翼黃埃昏
披雲見龍顏始蒙國士恩
位重謀亦深所舉無遺奔
長策寄臨終東南

詩紀

盛唐卷之二十二

不可吞賢智苟有時貧賤安所論唯然嵩山老而後知我言

雜興

握中銅匕首粉剉楚山鐵義士頻報讎殺人不曾缺可悲燕丹事終被狼虎滅一舉無兩全荆軻遂爲血誠知匹夫勇何取萬人傑無道吞諸侯坐見九州裂

秋興

日暮西北堂涼風洗脩木著書在南窓門館常蕭

肅苔草延古意視聽轉幽獨或問余所管刈黍沈寒谷

齋心

女蘿覆石壁谿水幽濛朧紫葛蔓黃花娟娟寒露中朝飲花上露夜卧松下風雲英化爲水光采與我同日月蕩精鬼寥寥天府一作空

獨遊

林卧情每閑獨遊景常晏時從灞陵下垂釣往南澗手携雙鯉魚目送千里鴈悟彼飛一作有適知

此罹憂患放之清泠泉因得省踈慢永懷青岑客
迴首白雲間神超物無違一作超然無遺事豈繫名與宦

香積寺禮拜萬迴平等二聖僧塔

真無御化來借有乘化歸如彼雙塔內孰能知是
非愚也駭蒼生聖哉爲帝師當爲時世出不由天
地資萬迴主一作此方平等性無違今我一禮心
億劫同不移肅肅松柏下諸天來有時

就道士問周易參同契

仙人騎白鹿髮短耳何長時余采菖蒲忽見嵩之
陽稽首求丹經乃出懷中方披讀了不悟歸家問
稽康嗟余無道骨發我入太行

諸官遊招隱寺

山館人已空青蘿換風雨自從永明世月向龍宮
吐鑿井長幽泉白雲今如古應真坐松柏錫杖挂
窻戶口云七十餘能救諸有苦回指巖樹花如聞
道場鼓金色身壞滅真如性無主僚友同一心清
光遣誰取

宴南亭

言終
盛唐卷之三十一
寒江映村林亭上納鮮潔楚客共閑飲靜坐金管
闌酣竟日入山暝來雲歸穴城樓空杳靄猿鳥備
清切物狀如絲綸上心爲予決訪君東谿事早晚
樵路絕

何九於客舍集

客有住桂陽亦如巢林鳥壘觴且終宴功業曾未
了山月空霽時江明高樓曉門前泊舟楫行次入
松篠此意投贈君滄波風一作空裹裹

洛陽尉劉晏與府掾諸公茶集天宮寺岸

道上人房

良友呼我宿月明懸天宮道安風塵外灑掃青林
中削去府縣理豁然神機空自從三湘還始得今
夕同舊居太行北遠宦滄溟東各有四方事白雲
處處通

觀江淮名勝圖

刻意吟雲山尤知隱淪妙遠公何爲者再詣臨海
嶠而我高其風披圖得遺照援毫無逃境遂展千
里眺淡掃荆門煙明標赤城燒青葱林間嶺隱見

淮海徼但指香爐頂無聞白猿嘯沙門既云滅獨
往豈殊調感對懷拂衣胡寧事漁釣安期始遺鳥
千古謝榮耀投跡庶可齊滄浪有孤棹

灞上閑居

鴻都有歸客偃卧滋陽村軒冕無在顧清川照我
門空林網夕陽寒鳥赴荒園廓落時得意懷哉莫
與言庭前有孤鶴欲啄常翩翩爲我銜素書弔彼
顏與原二君既不朽所以慰其魂

風涼原上作

陰岑宿雲歸煙霧濕松柏風淒日初晚下嶺望川
澤遠山無晦一作遺明秋水千里白佳氣盤未央聖
人在凝碧關門阻天下信是帝王宅海內方晏然
廟堂有竒策時貞守全運罷去遊說客予忝蘭臺
人幽尋免貽責

裴六書堂

閑堂閑空陰竹林木一作木但清響窻下長嘯客區中
無遺想經綸精微言兼濟當獨往

江上聞笛

言終
橫笛怨江月扁舟何處尋聲長楚山外曲遶胡關
深相去萬餘里遙傳此夜心寥寥浦淑寒響盡惟
幽林不知誰家子復奏邯鄲音水客皆擁棹空霜
遂盈襟羸馬望北走遷人悲越吟何當邊草白旌
節隴城陰

太湖秋夕

水宿煙雨寒洞庭霜落微月明移舟去夜靜魂夢
歸暗覺海風度蕭蕭聞鴈飛

趙十四兄見訪

客來舒長簟開閣延清風但有無絃琴共君盡樽
中晚來當讀易頃者欲一作獨還嵩世事何須道黃
精且養蒙嵇康殊寡識張翰獨知終忽憶鱸魚膾
扁舟往江東

過華陰

雲起太華山雲山一作山色互明滅東峯始含景了了

見松雪羈人感幽棲窅映轉竒絕欣然忘所疲永
望吟不輟信宿白餘里出關玩新月何意昨來心

一作冥冥遇物遂遷別人生屢如此何以肆愉悅

九江口作

漭漭江勢闊雨開潯陽秋驛門是高岸望盡黃蘆
洲水與五谿合心期萬里遊明時無棄才謫去隨
孤舟鷺鳥立寒木丈夫佩吳鉤何當報君恩却繫
單于頭

大梁途中作

怏怏步長道客行渺無端郊原欲下雪天地稜稜
寒當時每酣醉不覺行路難今日無酒錢悽惶向
誰歎

途中作

遊人愁歲晏早起遵王畿墜葉吹未曉疎林月微
微驚禽棲不定寒獸相因依歎此霜露下復聞鴻
鴈飛渺然江南意惜與中途違羈旅悲壯髮別離
念征衣永圖豈勞止明節期所歸寧厭楚山曲無
人長掩扉

山行入涇州

倦此山路長停驂問賓御林巒信回惑
一作垌林
往或回
白日落何處徙倚望長風滔滔引歸慮微雨隨雲

收濛濛傍山去西臨有邊邑北走盡亭戍涇水橫
白煙州城隱寒樹所嗟異風俗已自少情趣豈伊
戀懷土解物且欣遇

小敷谷龍潭祠作

崖谷歎疾流地中有雷集百泉勢相蕩巨石皆却
立跳波沸崢嶸深處不可挹昏爲蛟龍怒一作清

一作時

見雲雨入靈怪崇偏祠廢興自茲邑沈滛頃

多昧檐宇遂不葺吾聞被明典盛德惟世及生人
載山川血食報原隰豈伊駭微險將以循昨揖

飛振呂梁忠信亦我習波流浸已廣悔吝在所汲
谿水有清源寒裳靡沾濕

段宥廳孤桐

鳳凰所宿處月映孤桐寒槁葉零落盡空柯蒼翠
殘虛心誰能見直影非無端響發調尚苦清商勞
一彈

琴

孤桐秘虛鳴朴素傳幽真髣髴絃指外遂見初古
人意遠風雪苦時來江山春高宴未終曲誰能辨

經綸

初日

初日淨金闈先照牀前煖斜光入羅幕稍稍親絲管雲髮不能梳楊花更吹滿

失題

姦雄乃得志遂使羣心搖赤風蕩中原烈火無遺巢一人計不用萬里空蕭條

七言古詩

篳篥引

盧

一作盧

作

谿郡南夜泊舟夜聞兩岸羌戎謳其時月

黑猿啾啾微雨霑衣令人愁有一遷客登高樓不

言不寐彈篳篥彈作薊門桑葉秋風沙颯颯青塚

頭將軍鐵驄汗血流深入匈奴戰未休黃旗一點

兵馬收亂殺胡人積如丘瘡病驅來役

一作

邊州

仍披漠北羔羊裘顏色饑枯掩面羞眼眶淚滴深

兩眸思還本鄉食羗牛欲語不得指咽喉或有強

壯能咿嘍意說被他邊將讎五世屬藩漢主留碧

毛氊帳河曲遊橐駝五萬部落稠敕賜飛鳳金兜

詩已

盛唐詩卷之二十二

九

蓋爲君百戰如過籌靜掃陰山無鳥投家藏鐵券
特承優黃金千斤作斤不稱求九族分離作楚囚
深谿寂寞絃苦幽草木悲感聲颼颼僕本東山爲
國憂明光殿前論九疇麓讀兵書盡冥搜爲君掌
上施權謀洞曉山川無與儔紫宸詔發遠懷柔搖
筆飛霜如奪鉤鬼神不得知其由憐愛蒼生比蚍
蜉朔緣作緣河屯兵須漸抽盡遣降來拜御溝便令
海內休戈矛何用班超定遠侯史臣書之得已不

烏栖曲

白馬逐朱車黃昏入狹邪柳樹烏爭宿爭枝未得
飛上屋東房少婦壻從軍每聽烏啼知夜分

城傍曲

秋風鳴桑條草白狐兔驕邯鄲飲來酒未消城北
原平掣皂鷗射殺空營兩騰虎迴身却月佩弓殫

行路難

雙絲作綆繫銀瓶百尺寒泉轆轤上懸絲一絕不
可望似妾傾心在君掌人生意氣好遷捐只重狂
花不重賢宴罷調箏奏離鶴迴嬌轉盼泣君前君

不見眼前事豈保須臾心勿異西山日下雨足稀
側有浮雲無所寄但願莫忘前者言剝骨黃塵亦
無愧行路難勸君酒莫辭煩美酒千鍾猶可盡心
中片愧何可論一聞漢主思故劍使妾常嗟萬古
魂

奉贈張荊州

祝融之峯紫雲銜翠如何其雪嶺崑邑西有路緣
石壁我欲從之卧穹嵌魚有心今脫網罟江無人
今鳴楓杉王君飛鳥仍未去蘇耽宅中意遙緘

五言律詩

駕出長安

一作宋
之問詩

聖德超千古皇風扇九圍天迴萬象出駕動六龍
飛淑氣來黃道祥雲覆紫微太平多扈從文物有
光輝

駕幸河東

晉水千廬合汾橋萬國從開唐天業盛入沛聖恩
濃下輦迴三象題碑任六龍睿明懸日月千載一作
歲此時逢

胡笳曲

城南虜已合一夜幾重圍自有金笳引能霑出塞衣
一作能令聽臨關月苦清入海風微三奏高樓曉胡人掩涕歸

潞府客亭寄崔鳳童

蕭條郡城閉旅館空寒煙秋月對愁客山鐘搖暮天
新知偶相訪斗酒情依然一宿阻長會清風徒滿川

和振上人秋夜懷士會

白露傷草木山風吹夜寒遙林夢親友高興秋
端一作巖巒郭外秋聲急城邊月色殘瑤琴多遠思更爲客中彈

送李擢遊江東

清洛日夜漲微風引孤舟離腸一作觴便千里遠夢生江樓
楚國橙橘暗吳門煙雨愁東南具今古歸望山雲秋一作收

沙苑南渡頭

秋霧連雲白歸心浦溆懸津人空守纜村館復臨

川篷隔蒼茫雨波連演漾田孤舟未得濟入夢在
何年

客廣陵

樓頭廣陵近九月在南徐秋色明海縣寒煙生里
閨夜帆歸楚客昨日度江書爲問易名叟畫綸不
見魚

靜法師東齋

築室在人境遂得真隱情春盡草木變雨來池館
清琴書全雅道視聽已無生閉戶脫三界白雲自

虛盈

素上人影塔

物化同枯木希夷明月珠本來生滅盡何者是虛
無一坐看如故千齡獨向隅至人非別有方外不
應殊

謁焦鍊師

中峯青苔壁一點雲生時豈意石堂裏得逢焦鍊
師爐香淨棊案松影閑瑤墀拜受長年藥翩翩西
海期

宿京江口期劉春虛不至

霜天起長望殘月生海門風靜夜潮滿城高寒氣
昏故人何寂寞久已乖清言明發不能寐徒盈江
上樽

寒食卽事

晉陽寒食地風俗舊來傳雨滅龍蛇火春生鴻鴈
天泣多流水漲歌發舞雲旋西見之推廟空爲人
所憐

七言律詩

九日登高

青山遠近帶皇州霽景重陽上北樓雨歇亭臯仙
菊潤霜飛天苑御梨茱萸插鬢花宜壽翡翠橫
釵舞作愁謾說陶潛籬下醉何曾得見此風流

萬歲樓

江上巍巍萬歲樓不知經歷幾千秋年年喜見山
長在日日悲看水獨流猿狄何曾離暮嶺鷓鴣空
自泛寒洲誰堪登望雲煙裏向晚茫茫發旅愁

五言排律

夏月花萼樓酺宴應制

土德三元正堯心萬國同汾陰備冬禮長樂應和
風賜慶垂天澤流歡舊渚宮樓臺生海上簫鼓出
天中霧曉筵初接宵長曲未終雨隨青幕合月照
舞羅空玉陛分朝列文章發聖聰愚臣忝書
賦歌詠頌絲桐

同王維集青龍寺曇壁上人兄院五韻

本來清淨所竹樹引幽陰簷外含山翠人間出世
心圓通無有象聖境不能侵真是吾兄法何妨及

兼深天香自然會靈異識鐘音

東谿翫月一作王維詩

月從斷山口遙吐柴門端萬木分一作空霽流陰

中夜攢光連虛象白氣與風露寒谷靜秋泉響巖

深青靄殘澄清入幽夢破影抱空巒恍惚琴牕裏

松谿曉思難

送歐陽會稽之任

懷祿貴心賞東流山水長官移會稽郡地邇上虞

鄉緩帶屏紛雜漁舟臨訟堂逶迤迴谿趣一作猿

嘯飛鳥行萬室霽朝雨千峯迎夕陽輝輝遠洲映
 暖暖澄湖光白髮有高士青春期上皇應須相
 歇為我訪荷裳

采青靈交登青人

中賦齋米 靈泉白泉與風靈寒谷精煉泉響靈

月對迥山口 鐵扣柴門 萬木令

本來清 東嶽 藉月 新詩 玲 簷外 含山翠 人間出世

天香自然會靈異 精靈音是吾兄法何妨

盛唐第二十三

唐詩紀八十三

滁陽方一元彙

海寧方天眷重

王昌齡

五言絕句

朝來曲

月旻鳴珂動花連繡戶春盤龍玉臺鏡唯待畫眉

人

從軍行

大將軍出戰白日暗榆關
三面黃金甲單于破膽
還

答武陵田太守

仗

一作按

劔行千里微軀敢一言
曾爲大梁客不負

信陵恩

題灞池二首

腰鎌欲何之東園刈秋韭
世事不復論悲歌和樵
叟

開門望長川薄暮見漁者
借問白頭翁垂綸幾年

也

題僧房

棕櫚花滿院苔蘚入閑房
彼此名言絕空中聞異
香

擊磬老人

雙峯褐衣久一磬白眉長
誰識野人意徒看春草
芳

送胡大

荆門不堪別况乃瀟湘秋
何處遙望君江邊明月

樓

送郭司倉

映門淮水綠
留騎主人心
明月隨良掾
春潮夜夜深

送李十五

怨別秦楚深
江中秋雲起
天長杳無隔
月影在寒水

送張四

楓林已愁暮
楚水復堪悲
別後冷山月
清猿無斷

時

武陵田太守席送司馬盧谿

諸侯分楚郡
飲餞五谿春
山水清暉遠
俱憐一逐臣

送譚八之桂林

客心仍在楚
江館復臨湘
別意猿鳥外
天寒桂水長

送劉十五之郡

平明江霧寒
客馬江上發
扁舟事洛陽
窅窅含楚

月

七言絕句

從軍行七首

烽火城西百尺樓，黃昏獨上一作坐海風秋更吹。羌

一作橫笛關山月無那，一作誰解金閨萬里愁。

琵琶起舞換新聲，總是關山舊一作離別情。撩亂邊

愁聽，一作不盡高高秋月照長城。

關城榆葉早疎黃，日暮雲沙古戰場。表請回軍掩

塵骨，莫教兵士哭龍荒。

青海長雲暗雪山，孤城遙望玉一作鴈門關。黃沙百

戰穿金甲不，破樓蘭終一作竟不還。

大漠風塵日色昏，紅旗半捲出轅門。前軍夜戰洮

河北，已報生擒吐谷渾。

胡瓶落膊紫薄汗，碎葉城西秋月團。明敕星馳封

寶劔，辭君一夜取樓蘭。

玉門山嶂幾千重，山北山南總是烽。人依遠戍須

看火，馬踏深山不見蹤。

出塞二首

言終
秦時明月漢時關萬里長征人一作征夫尚未還但使
龍城飛將在不教胡馬度陰山
騮馬新跨白玉鞍戰罷沙場月色寒城頭鐵鼓聲
猶振匣裏金刀血未乾

采蓮曲二首

吳姬越艷楚王妃爭弄蓮舟水濕衣來時浦口花
迎入采罷江頭月送歸
荷葉羅裙一色裁芙蓉向臉兩邊開亂入池中看
不見聞歌始覺有人來

殿前曲二首

貴人妝梳殿前催香風吹入殿後來仗引笙歌大
宛馬白蓮花發照池臺
胡部笙歌西殿頭梨園弟子和涼州新聲一段高
樓月聖王千秋樂未休

春宮曲

昨夜風開露井桃未央前殿月輪高平陽歌舞新
承寵簾外春寒賜錦袍

西宮春怨

西宮夜靜百花香欲捲珠簾春恨長斜抱雲和深
見月朦朧朧一作朧樹色隱昭陽

西宮秋怨

芙蓉不及美人妝水殿風來珠翠香誰分含啼一作

却恨掩秋扇空懸明月待君王

長信秋詞五首

金井梧桐秋葉黃珠簾不捲夜來霜熏籠玉枕無
顏色卧聽南宮清漏長

高殿秋砧響夜闌霜深猶憶御衣寒銀燈青瑣裁
縫歇還向金城明主看

奉帚平明金殿開且將團扇暫一作徘徊玉顏
及寒鴉色猶帶昭陽日影來

真成薄命久尋思夢見君王覺後疑火照西宮知
夜飲分明複道奉恩時

長信宮中秋月明昭陽殿下擣衣聲白露堂中細
草跡紅羅帳裏不勝情

青樓曲二首

白馬金鞍從武皇旌旗十萬宿長楊樓頭小婦鳴

言
正居卷之二十三
六
箏坐遙見飛塵入建章

馳道楊花滿御溝紅妝縵綰上青樓金童紫綬千
餘騎夫壻朝回初拜侯

青樓怨

香幃風動花入樓高調鳴箏緩夜愁腸斷關山不
解說依依殘月下簾鉤

浣紗女

錢塘江畔是誰家江上女兒全勝花吳王在時不
得出今日公然來浣紗

閨怨

閨中少婦不曾愁春日疑妝上翠樓忽見陌頭
柳色悔教夫壻覓封侯

甘泉歌

乘輿執玉已登壇細草霑衣春殿寒昨夜雲生拜
初月萬年甘露水晶盤

河上歌

河上老人坐古槎合丹只用青蓮花至今八十如
四十口道滄溟是我家

言系
蕭駙馬宅花燭

青鸞飛入合歡宮紫鳳銜花出禁中
可憐今夜千

門裏銀漢星回

一作

一道通

觀獵

角鷹初下秋草稀鐵驄拋鞚去如飛
少年獵得平

原兔馬後

一作

橫捎意氣歸

寄穆侍御出幽州

一從恩譴度瀟湘塞北江南萬里長
莫道薊門書

信少鴈飛猶得到衡陽

寄陶副使

聞道將軍破海門如何遠謫渡湘沅
春來明王封

西嶽自有還君紫綬恩

至南陵答皇甫岳

與君同病復漂淪昨夜宣城別故人
明王恩深非

歲久長江還共五谿濱

西江寄越弟

南浦逢君嶺外還沅谿更遠洞庭山
堯時恩澤如

春雨夢裡相逢同入關

李四倉曹宅夜飲

霜天留後故情歡
銀燭金爐夜不寒
欲問吳江別
來意青山明月夢中看

宴春源

源向春城花幾重
江明深翠引諸峯
與君醉失松谿路
山館寥寥傳暝鐘

龍標野宴

沅谿夏晚足涼風
春酒相携就竹叢
莫道絃歌愁遠謫
青山明月不曾空

聽流人水調子

孤舟微月對楓林
分付鳴箏與客心
嶺色千重萬重雨
斷絃收與淚痕深

梁苑

梁園秋竹古時煙
城外風悲欲暮天
萬乘旌旗何處在
平臺賓客有誰憐

武陵龍興觀黃道士房間易因題

齋心問易太陽宮
八卦真形一氣中
仙老言餘鶴飛去
玉清壇上雨濛濛

題朱鍊師山房

叩齒焚香出世塵
齋壇鳴磬步虛人
百花仙醞能
畱客一飯胡麻度幾春

武陵開元觀黃鍊師院三首

松間白髮黃尊師
童子燒香禹步時
欲訪桃源入
谿路忽聞雞犬使人疑

先賢盛說桃花源
塵忝何堪武陵郡
聞道秦時避
地人至今不與人間問

山觀空虛清靜門
從官役吏擾塵喧
暫因問俗到

真境便欲投誠依道源

送魏二

醉別江樓橘柚香
江風引雨入船涼
憶君遙在瀟
湘月愁聽清猿夢裏長

別李浦之京

故園今在灞陵西
江畔逢君醉不迷
小第鄰莊尚
漁獵一封書寄數行啼

送狄宗亨

秋在水清山暮蟬
洛陽樹色鳴臯煙
送君歸去愁

言終
盛唐卷之二二三
不盡又惜空度涼風天

送薛大赴安陸

津頭雲雨暗湘山
遷客離憂楚地顏
遙送扁舟安陸郡
天邊何處穆陵關

芙蓉樓送辛漸二首

寒雨連天夜入湖
平明送客楚山孤
洛陽親友如相問
一片冰心在玉壺
丹陽城南秋海陰
丹陽城北楚雲深
高樓送客不能醉
寂寂寒江明月心

重別李評事

莫道秋江離別難
舟船明日是長安
吳姬緩舞留君醉
隨意青楓白露寒

別陶副使歸南海

南越歸人夢海樓
廣陵新月海亭秋
寶刀留贈長相憶
當取戈船萬戶侯

送人歸江夏

寒江綠水楚雲深
莫道離憂遷遠心
曉夕雙帆歸鄂渚
愁將孤月夢中尋

送李五

玉盃金壘傾送君江西日入起黃雲扁舟乘月暫
來去誰道滄浪吳楚分

送十五舅

深林秋水近日空歸棹演漾清陰中夕浦離觴意
何已草根寒露悲鳴蟲

留別郭八

長亭駐馬未能前井邑蒼茫含暮煙醉別何須更
惆悵回頭不語但一作垂鞭

送竇七

清江月色傍林秋波上熒熒望一舟鄂渚輕帆
早發江邊明月為君留

巴陵送李十二

搖曳巴陵洲渚分清江傳語便風聞山長不見秋
城色日暮蒹葭空水雲

送裴圖南

黃河渡頭歸問津離家幾日茱萸新漫道閨中飛
破鏡猶看陌上別行人

留別司馬太守

辰陽太守念王孫
遠謫沅谿何可論
黃鶴青雲當一舉
明珠吐着報君恩

盧谿主人

武陵谿口駐扁舟
谿水隨君向北流
行到荆門上三峽
莫將孤月對猿愁

送程六

冬夜傷離在五谿
青魚雪落鱸橙齏
武岡前路看斜月
片片舟中雲向西

送朱越

遠別舟中蔣山暮
君行舉首燕城路
薊門秋月隱黃雲
期向金陵醉江樹

別辛漸

別館蕭條風雨寒
扁舟月色渡江看
酒酣不識關西道
却望春江雲尚殘

送柴侍御

沅水通波接武岡
送君不覺有離傷
青山一道同雲雨
明月何曾是兩鄉

言系
送萬大歸長沙

桂陽秋水長沙縣楚竹離聲爲君變青山隱隱孤
舟微白鶴雙飛忽相見

送吳十九往沅陵

沅江流水到辰陽谿口逢君驛路長遠謫誰知望
雷雨明年春水共還鄉

別皇甫五

淑浦潭陽隔楚山離樽不用起愁顏明祠靈響期
昭應天澤俱從此路還

送崔參軍往龍谿

龍谿只在龍標上秋月孤山兩相向譴謫離心是
丈夫鴻恩共待春江漲

送鄭判官

東楚吳山驛樹微輶車銜命奉恩輝英僚携出新
豐酒半道遙看驄馬歸

送姚司法歸吳

吳掾畱觴楚郡心洞庭秋雨海門陰但令意遠扁
舟近一作送不道滄江百丈深

送高三之桂林

留君夜飲對瀟湘從此歸舟客夢長嶺上梅花侵雪暗歸時還拂桂枝香

闕文

失題

長亭酒未醒千里風動地

又

天仗森森練雪擬身騎駿馬白鷹臂

盛唐第二十三

盛唐第二十四

唐詩紀八十四

滁陽方一元彙編

海寧方天眷重訂

陶翰

潤州人開元中為禮部員外以冰壺賦得名。殷璠云歷代詞人詩筆雙美者鮮矣。今陶生實謂兼之既多興象復備風骨三百年以前方可論其體裁。

古塞下曲

進軍飛狐北窮寇勢將變日落沙塵昏背河更一

戰驛

一作駿

馬黃金勒凋弓白羽箭射殺左賢王歸

奏未央殿欲言塞下事天子不召見東出咸陽門

詩已

盛唐卷之二十四

言系
哀哀淚如霰

燕歌行

請君留楚調聽我吟燕歌家在遼水頭邊風意氣
多出身為漢將正值戎未和雪中凌天山水上度
交河大小百餘戰封侯竟蹉跎歸來灞陵下故舊
無相過雄劍委塵匣空門唯一作雀羅玉簪
還趙妹瑶琴付齊娥昔日不為樂時哉今柰何

望太華贈盧司倉

行吏到西華乃觀三峯壯削成元氣中傑出天河

漢一作上如有飛動色不知青冥狀巨靈安在哉

跡猶可望方此顧一作行旅末由飭一作仙

裝葱蘢記星壇明滅數雲嶂良友垂真契宿心所

微尚敢投歸山吟霞徑一相訪

贈鄭員外

驟馬拂繡裳按兵遼水陽西分鴈門騎北逐樓煩

王聞道五軍集相邀百戰場風沙暗天起虜騎一作

森已行儒服揖一作護諸將雄謀吞八一作荒金

門來一作求見謁朱紱生輝光數載侍御史稍遷尚

書郎人生志氣立所貴功業昌何必守章句終年
事蒼一作黃同時獻賦客尚在東陵傍

贈房侍御時房公在新安

志士固不羈與道常周旋進則天下仰已之能晏
然褐衣東府召執簡南臺先雄義每一作特立犯
顏豈圖全謫居東南遠逸氣吟芳荃適會寥廓趣
清波更負緣扁舟入五湖發纜洞庭前浩蕩臨海
曲迢迢濟江壖徵竒忽忘返遇興將彌年乃悟范
生智足明漁父賢郡臨新安渚佳氣一作此城偏

日夕對層岫雲霞映晴川閑居戀一作秋色偃卧
含貞堅倚伏自相化行藏互一作推遷君其振羽
翮歲晏將冲天

晚出伊闕寄河南裴中丞

退無偃息資進無當代策冉冉時將一作暮坐為
周南客前登關塞門永眺伊城陌長川黯已空一作
暮千里寒氣白家本一作渭水西異日同所適秉

志師禽尚微言祖莊易一辭林壑間共繫風塵役
交朋一作忽先進天道何一作紛劇豈念嘉遯時

詩經
卷之二十四
三
依依偶沮溺

送朱大出關

楚客西上書十年不得意平生相知者晚節心各
異長揖五侯門拂衣謝中貴丈夫多別離各有四
方事拔劍因高歌蕭蕭北風至故人有斗酒是夜
共君醉努力長強一作加餐當年莫相棄

宿天竺寺

松柏亂巖口山西微徑通天開一峯見宮闕生虛
空正殿倚霞壁千樓標石叢夜來猿鳥靜鐘梵寒

雲中峯

一作峯

翠映湖月泉聲亂谿風心超諸境外

了與懸解同明發唯改視朝日長崖東

以上二句一作明發

氣候改起視長崖東

湖色濃蕩漾海光漸曠曠葛仙迹尚在

許氏道猶崇獨往古來事幽懷期二公

出蕭關懷古

驅馬擊長劍行役至蕭關悠悠

一作然

五原上永眺

關河前北虜三十萬此中常控弦秦城巨宇宙漢

帝理旌

一作旌

旃刀斗鳴不息

一作歇

羽書日夜傳五

軍計莫就三策議空全大漠橫萬里蕭條絕人煙

言系
孤城山一作當瀚海落日照祈連愴矣苦寒奏懷哉
式微篇更悲秦樓月夜夜出胡天

南楚懷古

南國久蕪漫我來空鬱陶君看章華宮處處生黃
蒿但見陵與谷豈知賢與豪精蒐托古木寶玉捐
江臯倚棹下晴景廻舟隨晚濤碧雲暮寥落湖上
秋天高往事那堪問此心徒自勞獨餘湘水上千
載聞離騷

經殺子谷

扶蘇秦帝子舉代稱其賢百萬猶在握可爭天下
權來身就一劍壯志皆棄捐塞下有遺跡千齡人
共傳踈蕪盡荒草寂歷空寒煙到此盡垂淚非我
獨潸然

早過臨淮

夜來三渚風

紀事作夜泊三風渚

晨過臨淮島湖中海氣白

城上楚雲早鱗鱗魚浦帆漭漭蘆洲草川路日浩
蕩怒焉心如擣且言任倚伏何暇念枯槁范子名
屢移遽公志常保古人去已久此理今難道一作古人

已云云此
理誰足道

乘潮至漁浦作

艤棹乘早潮潮來如風雨樟臺忽已隱界峯莫及

親以一二句紀事作嶂高崩騰心為失浩蕩目無

主忽已界峯暗莫及親作風停漾漾入魚浦雲景共澄

霽江山相吞吐偉哉造化工靈一作此事從終古流

沫誠足誠商歌調易苦頗因忠信全客心一作竹猶

栩栩

秋山夕興

山月松篠下月明山景鮮聊為高秋酌復此清

絃晤語方獲志栖心亦彌年尚言興未逸更理逍

遙篇

送集賢學士伊闕史少府敕放歸江東觀

省一作綦毋一作潛詩

墨客鍾張侶材高吳越珍千門來謁帝駟馬去榮

親吏邑沿清洛鄉山指白蘋歸期應不遠當及未

央春

送金卿歸新羅

寺已

盛唐詩卷之二十四

六

奉義朝中國殊恩及遠臣鄉心遙渡海客路再經
 春落日誰同望孤舟獨可親拂波銜木鳥偶宿泣
 珠人禮樂夷風變衣冠漢制新青雲已干呂知汝
 重來賓

柳陌聽早鶯

忽來枝上轉還似谷中聲乍使香閨靜偏傷遠客
 情間關難辨處斷續若頻驚玉勒留將久青樓夢
 不成千門候曉發萬井報春生徒有知音賞慙非
 臯鶴鳴

盧象

字緯卿汶水人開元中由前進士補秘書郎張九齡深器之擢左補闕名盛氣高少

所卑下為飛語所中左遷齊汾鄭三郡司馬入為膳部員外受祿山為官貶永州可戶起為王客員外道病留武昌卒○殷璠云象雅而平素有大體得國士之風曩在按書名充閣秘書

贈程秘書

客自岐陽來吐音若鳴鳳孤飛畏不偶獨立誰見
 用忽從被褐中召入承明宮聖人借顏色言事無
 不通殷勤拯黎庶感激論諸公將相猜賈誼圖書
 歸馬融顧余久寂寞一歲麒麟閣且共歌太平勿

詩紀
嗟名宦薄

家叔徵君東谿草堂二首

開山十餘里青壁森相倚欲識堯時天東谿白雲
是雷聲轉幽壑雲氣香流水澗影生龍一作蛇巖
端翳檉梓大道終不易君恩曷能已鶴羨無老時
龜言攝生理浮年笑六甲元化潛一指未暇掃雲
梯空慙阮家子

今朝共遊者得性閑未歸已到仙人家莫驚鷗鳥
飛水深巖子釣松挂巢父衣雲氣轉幽寂谿流無

是非名理未足美腥臊詎所希自惟負貞意何歲
當食薇

鄉試後自鞏遠田家因謝鄰友見過之作

雞鳴出東邑馬倦登南巒落日見桑柘翳然丘中
寒鄰家多舊識投暝來相看且問春稅苦兼陳行
路難園場近陰壑草木易凋殘峯暗雪猶積澗深
冰已團浮名知何用歲晏不成歡置酒共君飲當
歌聊自寬

八月十五日象自江東止田園移莊慶會

未幾歸汶上小第幼妹尤悲其別兼賦是

詩三首又見王維集

謝病始告歸依依入桑梓家人皆佇立相候衡門

裏時輩一作時類皆長年成人舊童子一作嘉上堂家一作慶

畢顧與姻親齒論舊或餘悲目一作思存且相喜田

園轉蕪沒但有寒泉水衰柳日蕭條秋光清邑里

入門乍如客休騎非便止中飯一作飲顧王程離憂

從此始

兩妹日長成雙鬟將及人已能持寶瑟自解掩

巾念昔別時小未知踈與親今來識離恨拭淚方

殷勤

小第更孩幼歸來不相識同居雖漸慣見人猶默

默死作越人語殊甘水鄉食別此最為難淚盡有

餘憶

歎白髮又見王維集

我年一何長鬢髮日已白俛仰天地間能為幾時

客惆悵故山雲徘徊空日夕何事與時人東城復

南陌

詩紀

盛唐卷之二十四

九

青雀歌

啾啾青雀兒飛來飛去仰天池
逍遙飲啄安涯分何假扶搖九萬爲

雜詩二首

家居五原上征戰是平生
獨負山西勇誰當塞下
一作名死生遼海戰雨雪薊門行
諸將封侯盡論功獨不成

君家御溝上垂柳夾朱門
列鼎會中貴鳴珂朝至尊
死生在片議窮達由一言
須識苦寒士莫矜孤

白溫

贈廣川馬先生

經書滿腹中吾識廣川翁
年老甘無位家貧懶發
蒙人歸洙泗學歌盛舞雩
風願接諸生禮三年事
馬融

早秋宴張郎中海亭即事

又見子孟浩然集

邑有絃歌宰翔鸞狎野

一作

鷗眷言華省舊暫滯

一作

海池遊鬱島藏深竹前谿對舞樓更聞書即

事雲物是新秋

寺已

盛唐詩集卷之二十四

峽中作

高唐幾百里樹色

一作雲樹

接陽臺晚見江山霽宵聞

風雨來雲

一作雷

從三峽起天向數峯開靈境信難

見輕舟那可回

竹里館

江南冰不閉山澤氣潛通臘月聞山鳥寒崖見蟄

熊柳林春半合荻筍亂無叢回首金陵岸依依向

北風

永城使風

長風起秋色細雨含落暉夕鳥向林去晚帆

飛盡聲出亂草水氣薄行衣一別故鄉道悠悠

始歸

和徐侍郎叢篠詠

一作蔣
渙詩

中禁夕沈沈幽篁別作林色連雞樹近影落鳳池

深為重凌霜節能虛應物心年年承雨露長對紫

庭陰

駕幸溫泉

傳聞聖主幸新豐清蹕鳴鑾出禁中細草終朝隨

步輦垂楊幾處繞行宮千官扈從驪山北萬國來
朝渭水東此日小臣徒獻賦漢家誰復重楊雄

奉和張使君宴加朝散

佐理星辰貴分榮渙汗深言從大夫後用荅聖人
心騎擁軒裳客鸞驚翰墨林停杯歌麥秀秉燭醉
棠陰爽氣凌秋笛輕寒散暝砧祗應將四子講德
謝知音

贈張均員外

公門世緒一作業昌才子冠裴王出自平津邸還為

吏部郎神仙餘氣色列宿動

一作助輝光夜直南

宮靜

一作近

朝趨北禁長時人歸

一作窺

水鏡明主賜

衣裳翰苑飛鸚鵡天池待鳳凰承歡

一作欣疇日顧

未紀

一作記

後時傷去去圖南遠微才幸不忘

送祖詠

田家宜伏臘歲晏子言歸石路雪初下荒村雞共

飛東原多煙火北澗隱寒暉滿酌野人酒倦聞鄰

女機胡為困

一作因

樵采幾日罷

一作解

朝衣

送綦毋潛

夫君不得意本自滄海來高足未云騁虛舟空復
迴淮南楓葉落灞岸桃花開出處暫爲耳沈浮安
繫哉如何天覆物還遣世遺才欲識秦將漢嘗聞
王與裴離筵對寒食別雨乘春雷會有辟書至荷
衣莫漫裁

送趙都護赴安西

下客候旌麾元戎復在斯門開都護府兵動羽林
兒黠虜多翻覆謀臣有別離智同天所授恩共日
相隨漢使開賓幕胡笳送酒卮風霜迎馬首雨雪

事魚麗上策應無戰深情屬載馳不應行萬里
王寄安危

追涼歷下古城西北隅此地有清泉喬木

謝朓出華省王祥貽佩刀前賢真可慕衰病意空
勞貞悔不自卜遊隨共爾曹未能齊得喪時復誦
離騷閑陰七賢地醉餐三士桃蒼苔虞舜井喬木
古城壕漁父偏相狎堯年不可逃蟬鳴秋雨霽雲
白曉山高咫尺傳雙鯉吹噓借一毛故人皆得路
誰肯念同袍

戲贈邵使君張郎

少婦石榴裙新妝白玉面能迷張公子不許時相見

同王維過崔處士林亭

映竹時聞轉轆轤當窓只見網蜘蛛主人非病常

高計環堵蒙籠一老儒

寄河上段十六

與君相識即相親聞道君家住孟津為見行舟試

借問客中時有洛陽人

盛唐第二十四

盛唐第二十五

唐詩紀八十五

滁陽方一元彙編

海寧方天眷重訂

高適

本傳云字達夫渤海人少蓼落不事生產年過五十始留意詩什每吟一篇已為好

事者稱誦舉有道科授封丘尉哥舒翰表為左驍騎兵曹掌書記祿山亂拜監察御史及

翰兵敗奔赴行在遷侍御史歷遷至劔南西川節度使代宗時為刑部侍郎轉散騎常侍

封渤海縣侯卒諡曰忠適喜言王霸大畧務功名尚節義逢時多難以安危為已任有唐

以來詩人之達者唯適而已○殷璠云常侍性拓落不拘小節取預常科隱迹博徒才名

自遠然適詩多骨臆語兼有氣骨故朝野通賞其文

詩紀

盛唐卷之二十五

一

五言古詩

銅雀妓

日暮銅雀迴秋深玉座清蕭森松柏望委鬱綺羅
情君恩不再得妾舞為誰輕

塞下曲

結束浮雲駿翩翩出從戎且憑天子怒復倚將軍
雄萬鼓雷殷地千旗火生風日輪駐霜戈月魄懸
朔弓青海陣雲匝黑山兵氣衝戰酣太白高戰罷
旋頭空萬里不惜死一朝得成功畫圖麒麟閣入

朝明光宮大笑向文士一經何足窮古人昧此道
往往成老翁

塞上

東出盧龍塞浩然客思孤亭埃列萬里漢兵猶備
胡邊塵滿北溟虜騎一作塞馬正南驅轉鬪豈長策和
親非遠圖惟昔李將軍按節臨此都總戎掃大漠
一戰擒單于常懷感激心願効縱橫謨倚劔欲誰
語關河空鬱紆

薊門行五首

言
薊門逢古

一作故

老獨立思氛氲一身既零丁頭鬢

白紛紛勳庸今已矣不識霍將軍

漢家能用武開拓窮異域戍卒厭糟糠降胡飽衣食
關亭試一望吾欲淚沾臆

邊城十一月雨雪亂霏霏元戎號令嚴人馬亦輕
肥羌胡無盡日征戰幾時歸

幽州多騎射結髮重橫行一朝事將軍出入有聲
名紛紛獵秋草相向角弓鳴

黯黯

一作茫茫

長城外日沒更煙塵胡騎雖憑陵漢兵

不顧身古樹滿空塞黃雲愁殺人

効古贈崔二

十月河洲時一看有歸思風飈生慘烈雨雪暗天
地我輩今胡爲浩哉迷所至緬懷當塗者濟濟居
聲位邈然在雲霄寧肯更淪躋周旋多燕樂門館
列車騎美人芙蓉姿狹室蘭麝氣金鑪陳獸炭談
笑正得意豈論草澤中有此枯槁士我慙經濟策
久欲甘棄置君負縱橫才如何尚顛顛長歌增鬱
悒對酒不能醉窮達自有時夫子莫下淚

鉅鹿贈李少府

李侯雖薄宦時譽何籍籍駿馬常借人黃金每畱
客投壺華館靜縱酒涼風夕卽此遇神仙吾欣知
損益

東平畱贈狄司馬

曾與田安西充判官

古人無宿諾茲道以一作未爲難萬里赴知己一言

誠可歎馬蹄經月窟劔術指樓蘭地出北庭盡城

臨西海寒森然瞻武庫則是一作剛若弄儒翰入幕綰

銀綬乘軺兼鐵冠練兵日精銳殺敵無遺殘獻捷

見天子輪功俘可汗激昂丹墀下顧盼青雲端誰

謂縱橫策翻爲權勢于將軍旣坎壈使者亦辛酸

耿介挹一作揖三事羈離從一官知君不得意他日

會鵬搏

過盧明府有贈

良吏不易得古人今可傳靜然本諸已以此知其

賢我行挹高風羨爾兼少年曾懷豁清夜史漢如

流泉明日復行春逶迤出郊壇登高見百里桑野

鬱芊芊時平俯鵲巢歲熟多人煙奸猾唯閉戶逃

忘歸種田迴軒自郭南老幼滿馬前皆賀蠶農至

一作事而無徭役牽君觀黎庶心撫之誠萬全何幸

逢大道願言烹小鮮能奏明廷主一作誰能一試

武城絃

單父逢鄧司倉覆倉庫因而有贈

邦牧今坐嘯羣賢趨紀綱四人忽不擾耕者遙相

望粲粲府中妙授詞如履霜炎炎伏熱時草木無

晶光匹馬度睢水清風何激揚校緡閱帑藏發廩

欣斯箱邂逅得相逢歡言至夕陽開襟自公餘載

酒登琴堂舉杯挹山川寓目窮毫芒白鳥向田

青蟬歸路長醉中不惜別况乃正遊梁

薊門不遇王之渙郭密之因以畱贈

適遠登薊丘茲晨獨搔屑賢交不可見吾願終難

說迢遞千里遊羈離十年別才華仰清興功業嗟

芳節曠蕩阻雲海蕭條帶風雪逢時事多謬失路

心彌折行矣勿重陳懷君但愁絕

寄孟五少府

秋氣一作風落窮巷離憂兼暮蟬後時已如此高興

亦徒然知君念淹泊憶我屢周旋征路見來鴈歸
人悲遠天平生感一作各千里相望在貞堅

苦雨寄房四昆季

獨坐見多雨况茲兼索居茫茫十月交窮陰千里
餘彌望無端倪北風擊林笳白日眇難覩黃雲爭
卷舒安得造化功曠然一掃除滴瀝簷宇愁寥寥
談笑踈泥塗擁城郭水潦盤丘墟惆悵憫田農徘徊
傷里閭曾是力井稅曷為一作云無斗儲萬事切
中懷十年思上書君門嗟緬邈身計念居諸沈吟

顧草茅鬱快任盈虛黃鵠不可羨鳴雞時起予

人平臺側高館臨通衢兄弟方荀陳才華冠應徐

彈碁自多暇飲酒更一作復何如知人想林宗直道

慙史魚携手風流一作流風在開襟鄙吝祛寧能訪窮

巷相與對園一作嘉蔬

和賀蘭判官望北作

聖代務平典輜軒推上才迢迢溟海際曠望滄波

開四牡未遑息三山安在哉巨鼇不可釣高浪何

崔嵬湛湛朝百谷茫茫連九垓挹流納廣大觀異

增遲迴日出見魚日月圓知蚌胎跡非想像到心
以精靈猜遠色帶孤嶼虛聲涵殷雷風行越裳貢
水遏天吳災攬轡隼將擊忘機鷗復來緣情韻騷
雅獨立遺塵埃吏道竟殊用翰林仍忝陪長鳴謝
知己所媿非龍媒

和崔二少府登楚丘城作

故人亦不遇異縣久棲託辛勤失路意感歎登樓
作清晨眺原野獨立窮寥廓雲散芒碭山水還睢
陽郭遶梁卽襟帶封衛多漂泊事古悲城池年豐
愛墟落相逢俱未展攜手空蕭索何意千里心
求百金諾公侯皆我輩動用在謀畧聖心思賢才
竭來刈葵藿

酬司空璠少府

飄飄未得意感激與誰論昨日遇夫子仍欣吾道
存江山滿詞賦札翰起涼溫吾見風雅作人知德
業尊驚飈蕩萬木秋氣屯高原燕趙何蒼茫鴻鴈
來翩翩此時與君別握手欲無言

酬李少府

出塞蒐屢一作驚懷賢意難說誰知吾道間乃在

客中別日夕捧瓊瑤相思無休歇伊人雖薄宦舉

代推高節述作凌江山聲華滿水雪一登薊丘上

四顧何慘烈來鴈無盡時邊風正騷屑將從崖谷

遁且與沈浮絕君若登青雲吾當投魏闕

酬裴秀才

男兒貴得意何必相知早飄蕩與物永一作蹉跎

覺年一作老長卿無產業季子慙妻嫂此事難重

陳未於一作衆人道

酬陸少府

朝臨淇水岸還望衛人邑別意在山阿征途背原

隰蕭蕭一作稍稍前村口唯見轉蓬入水渚人去遲霜

天鴈飛急固應不遠別一作我行所與路一作未

及欲濟川上舟相思空佇立

奉酬北海李太守丈人夏日平陰亭

天子股肱守丈人山嶽靈出身侍丹墀舉翮凌青

冥當昔皇運否人神俱未寧諫官莫敢議酷吏方

專刑谷永獨言事匡衡多引經兩朝納深衷萬乘

無不聽盛烈播南史雄詞豁東溟誰謂整隼旟翻
然憶柴局寄書汶陽客迴首平陰亭開封見千里
結念存百齡隱軫江山麗一作來氛氲蘭茝馨自憐
遇時休漂泊隨流萍春野變木德夏天臨火星一
生徒羨魚四十猶聚螢從此日閑放焉能懷拾青

酬馬八効古見贈

深一作谿崖無綠竹秀色徒氛氲時代種桃李無人
顧此君奈何冰雪操尚與蒿萊羣願托靈仙子一
聲吹入雲

酬鴻臚裴王簿雨後睢陽北樓見贈之作

暮霞照新晴歸雲猶相逐有懷晨昏暇想見登眺
目問禮侍彤襜題詩訪茅屋高樓多古今陳事滿
陵谷地久微子封臺餘孝王築徘徊顧霄漢豁達
俯川陸遠水對秋城長天向喬木公門何清淨列
戟森已肅不歎携手稀怕思看鞭速終當請羽翰
輕舉隨鴻鵠

酬裴員外以詩代書

少時方浩蕩遇物猶塵埃脫畧身外事交游天下

才單車入燕趙獨立心悠哉寧知戎馬間忽展平生懷且欣清論高豈顧夕陽頽題詩碣石館縱酒燕王臺北望沙漠垂漫天雪皚皚臨邊無策畧覽古空徘徊樂毅吾所憐拔齊翻見猜荆卿吾所悲適秦不復迴然諾多死地公忠成禍胎與君從此醉每恐流年催如何俱老大始復忘形骸兄弟真二陸聲名連八裴乙未將星變賊臣候天災胡騎犯龍山乘輿經馬嵬千宮無倚着萬姓徒悲哀誅呂鬼神動安劉天地開奔波走風塵倏忽值雲雷

擁旄出淮甸入幕徵楚材誓當剪鯨鯢永以竭駘小人胡不仁讒我成死灰賴得日月明照耀無不該留司洛陽宮詹府唯蒿萊是時掃氛祲尚未殲渠魁背河列長圍師老將亦乖歸軍劇風火散卒爭椎埋一夕灑洛空生靈悲曝腮衣冠投草莽予欲馳江淮登頓宛葉下栖遑襄鄧隈城池何蕭條邑屋更崩摧縱橫荆棘叢但見瓦礫堆行人無血色戰骨多青苔遂除彭門守因得朝玉階激昂仰鷓鴣獻替欣鹽梅驅傳及遠蕃憂思鬱難排罷

人紛爭訟賦稅如山崖所思在畿甸曾是魯宓儕
自從拜郎官列宿煥天街那能訪遐僻還復寄瓊
環金玉本高價頃筦終易諧朗詠臨清秋涼風下
庭槐何意寇盜間獨稱名義借辛酸陳侯誅陳二補闕
銘誄即歎息季鷹杯白日屢分手青春不再來卧
裴所爲看中散論愁憶太常齋酬贈徒爲爾長歌還自吟

酬龐十兵曹

憶昔遊京華自言生羽翼懷書訪知己末路空相
識許國不成名還家有慙色託身從畎畝浪跡初

自得雨澤感天時耕耘忘帝力同人洛陽至問
睢水北遂爾欵津涯淨然見胸臆高談懸物象逸
韻投翰墨別岸迴無垠海鶴鳴不息梁城多古意
携手共悽惻懷賢想鄒枚登高思荆棘世情惡疵
賤之子憐孤直酬贈感并深離憂豈終極

同呂員外酬田著作作幕

一作莫

門軍西宿盤

山秋夜作

磧路天早秋邊城夜應永遙傳戎旅作已報關山
冷上將頓盤坂諸軍徧泉井綢繆闔外書慷慨幕

言系
中請能使勲業高動令氛霧屏遠途能自致短步
終難騁羽翮時一看窮愁始三省人生感然諾何
啻若形影白髮知苦心陽春見佳境一作景星河連
塞絡刁斗兼山靜憶君霜露時使我空引領

酬秘書弟兼寄幕下諸公

并序

乙亥歲適徵詣長安時侍御楊公任通事舍人
詩書起予蓋終日矣今年適自封丘尉統吏卒
於青夷途經博陵得太守賈公之政相見如舊
他日之意存焉司業張侯周旋迨茲僅三十載

將疇昔是好匪窮達之異乎族弟秘書鴈序之
白眉者風塵一別俱東西南北之人愴然相逢
適與願契旅館之暇長懷益增因賦是詩愧非
六義之流也

亞相膺時傑羣才遇良工翩翩幕下來拜賜甘泉
宮信知命世竒適會非常功侍御執邦憲清詞煥
春叢末路望繡衣他時常發蒙孰云三軍壯懼我
彈射雄誰謂萬里遙在我樽俎中光祿經濟器精
微自深衷前席屢榮問長城兼在躬高蹤激頽波

逸翮馳蒼穹將副節制籌欲令沙漠空司業志應
徐雅度思冲融相思三十年憶昨猶兒童今來抱
青紫忽若披鷓鴻說劍增慷慨論交持始終秘書
卽吾門虛白無不通多才陸平原碩學鄭司農獻
封到關西獨步歸山東永意久知處嘉言能亢宗
客從梁宋來行役隨轉蓬酬贈欣元弟憶賢瞻數
公游鱗戲滄浪鳴鳳棲梧桐並負垂天翼俱乘破
浪風眈眈天府間偃仰誰敢同何意構廣厦翻然
顧雕蟲應知阮步兵惆悵此途窮

淇上酬薛三據兼寄郭少府微

自從別京華我心乃蕭索十年守章句萬事空寥
落北上登薊門茫茫見沙漠倚劍對風塵慨然思
衛霍拂衣去燕趙驅馬悵不樂天長滄洲路日暮
邯鄲郭酒肆或淹留漁潭屢棲泊獨行備艱險所
見窮善惡永願拯芻蕘云辭一作干鼎鑊皇情念
淳古時俗何浮薄理道資一作須任賢安人在求瘼
故交負靈竒逸氣抱謇諤隱軫經濟具縱橫建安
作才望忽先鳴風期無宿諾飄風勞州縣迢遞限

言謔東馳眇具丘西顧彌號畧淇水徒自流浮雲
不堪託吾謀適可用天路豈寥廓不然買山田一
身與耕鑿且欲同鷦鷯焉能志鴻鵠一作鶴

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉清夜
作感物我心勞涼風驚二毛池空一作枯菡萏死月
出梧桐高如何異鄉縣復得交才彥汨沒嗟後時
蹉跎恥相見箕山別來久魏闕誰不戀獨有江海
心悠悠一作然未嘗倦

荅侯少府

常日好讀書晚年學垂綸漆園多喬木睢水清粼
粼詔書下柴門天命敢逡巡赫赫三伏時十日到
咸秦褐衣不得見黃綬翻在身吏道頓羈束生涯
難重陳北使經大寒關山饒苦辛邊兵若芻狗戰
骨成埃塵行矣勿復言歸歟傷我神如何燕趙睡
忽遇平生親開館納征騎彈絃娛遠賓飄飄天地
間一別方茲晨東道有佳作南朝無此人性靈出
萬象風骨超常倫吾黨謝王粲羣賢推郗詵明時

取秀才落日過蒲津節苦名已富祿微家轉貧相
逢愧薄遊撫已荷陶鈞心事正堪盡離居一作寧
太頻兩河歸路遙二月芳草新柳接滹沱暗鶯連
渤海春誰謂行路難猥當希代珍提握每終日相
思猶比鄰江海有扁舟丘園有角巾君意定何適
我懷知所遵浮沈各異宜老大貴全真莫作雲霄
計遑遑隨縉紳

盛唐第二十五

盛唐第二十六

唐詩紀八十六

滁陽方一元彙編
海寧方天眷重訂

高適

五言古詩

宋中別周梁李三子

曾是不得意適來兼別離如何一樽酒翻作滿堂
悲周子負高價梁生多逸詞周旋梁宋間感激建
安時白雪正如此青雲無自疑李侯懷英雄翫麟

乃天資方寸且無間衣冠當在斯俱爲千里遊忽
念兩鄉辭且見壯心在莫嗟携手遲涼風吹北原
落日滿西陂露下草初白天長雲屢滋我心不可
問一作君去一作定何之京洛多知己誰能憶左
思

宋中別李八

歲晏誰不歸君歸意可說將趨倚門望還念同人
別駐馬臨長亭飄然事明發蒼茫眺千里正值五
寒節舊國多轉蓬平臺下明月世情薄疵賤夫子
懷賢哲行矣各勉旃吾當挹餘烈

別王徹

歸客自南楚悵然思北臨一作蕭條秋風暮迴首
江淮深留君終日歡一作或爲梁甫吟時輩
想鵬舉他人嗟陸沈載酒登平臺贈君千里心浮
雲暗長路落日有歸禽離別未足悲辛勤當自任
吾知十年後季子多黃金

送蕭十八與房侍御迴還

常苦一作古人遠今見斯人古澹泊遺聲華周旋

必鄒魯故交在梁宋遊方出庭戶匹馬鳴朔風一
身濟河滸辛勤采蘭詠欵曲翰林主歲月催別離
庭闈遠風土寥寥寒煙靜莽莽夕陰吐明發不在
茲青天眇難覩

宋中送族姪式顏

時張大夫貶括州使人召式顏遂有此作

大夫擊東胡胡塵不敢起胡人山下哭胡馬海邊
死部曲盡公侯輿臺亦朱紫當時有勳業末路遭
讒毀轉旆燕趙間剖符括蒼裏弟兄莫相見親族
遠粉梓不改青雲心仍招布衣士平生懷感激本

欲侯知己去矣難重陳飄然自茲始遊梁且未遇
適越今何以鄉山西北愁竹箭東南美崢嶸縉雲
外蒼莽幾千里旅鴈悲啾啾朝昏孰云已登臨多
瘴癘動息在風水雖有賢主人終爲客行子我携
一尊酒滿酌聊勸爾勸爾惟一言家聲勿淪滓

又送族姪式顏

惜君才未遇愛君才若此世上五百年吾家一千
里俱遊帝城下忽在梁園裏我今行山東離憂不
能已

贈別王十七管記

故交吾未測薄宦空年歲晚節蹤曩賢雄詞冠當
世堂中皆食客門外多酒債產業曾未言衣裘與
人敝飄飄戎幕下出入關山際轉戰輕壯心立談
有邊計雲沙自迴合天海空迢遞星高漢將驕月
盛胡兵銳沙深冷陁斷雪暗遼陽閉亦謂掃欃槍
旋驚陷蜂蠆歸旌告東捷鬪騎傳西敗遙飛絕漢
書已築長安第畫龍俱在葉寵鶴先居衛勿辭部
曲勳不藉將軍勢相逢季冬月悵望窮海裔折劍

畱贈人嚴裝遂云邁我行將悠紆及此還羈滯會
非濟代謀且有臨深誠隨波混清濁與物同醜麗
眇憶青巖棲寧忘褐衣拜自言愛一作借水石本欲
親蘭蕙何意薄松筠翻然重菅蒯恒深取與分孰
慢平生契欵曲雞黍其酸辛別離袂逢時愧名節
遇坎悲渝替適趙非解紛遊燕往一作獨無說浩歌
方振蕩逸翮思凌勵倏若異鵬搏吾當學蟬蛻

連上別王秀才

飄飄經遠道客思滿窮秋浩蕩對長漣君行殊未

言系
休崎嶇山海側想像無前儔何意一作照乘珠忽
然欲暗投東路方蕭條楚歌復悲愁暮帆使人感
去鳥兼離憂行矣當自愛壯年莫悠悠余亦從此
辭異鄉難久留贈言豈終極慎勿滯滄洲

贈別沈四逸人一作

沈侯未可測其况信浮沈十載常獨坐幾人知此
心乘舟蹈滄海買劍投黃金世務不足煩有田西
山岑我來遇知己遂得開清襟何意閩閩間沛然
江海深疾風掃秋樹濮上多鳴砧耿耿尊酒前聯

鴈飛愁音一作平生重離別感激對孤琴一作

送韓九

惆悵別離日徘徊岐路前歸人望獨樹匹馬隨秋
蟬常與天下士許若兄弟賢良時正可用行矣莫
徒然

送崔錄事赴宣城

大國非不理小官皆用才欲行宣城印住飲洛陽
杯晚景爲人別長天無鳥迴舉帆風波渺倚棹江
山來羨爾兼乘興蕪湖千里開

別張少府

歸客畱不住朝雲縱復橫馬頭向春草斗柄臨高
城嗟我久離別羨君看弟兄歸心更難道回首一
傷情

淇上別劉少府子英

近來住淇上蕭條惟空林又非耕種時閑散多自
任伊君獨知我驅馬欲招尋千里忽携手十年同
苦心求仁見交態於道喜甘臨逸思乃天縱微才
應陸沈飄然歸故鄉不復問離襟南登黎陽渡

蒼寒雲陰桑葉原上起河凌山下深途窮更遠別

相對益

一作悲吟

別耿都尉

四十能學劍時人無此心如何耿夫子感激投知
音翩翩白馬來二月青草深別易小千里興酣傾
百金

宋中遇林慮楊十七山人因而有別

昔余涉漳水驅車行鄴西遙見林慮山蒼蒼曩天
倪邂逅逢爾曹說君彼巖棲蘿徑垂野蔓石房倚

言系
卷之二
雲梯秋韭何青青藥苗數百畦栗林隘谷口枯樹
森迴谿耕耘有山田紡績有山妻人生苟一作如
此何必組與珪誰謂遠相訪曩情殊不迷簷前舉
醇醪竈下烹隻雞朔風忽振蕩昨夜寒螿啼遊子
益思歸罷琴傷解攜出門盡原野白日黯已低始
驚道路難終念言笑睽因聲謝岑壑歲暮一攀躋

酬別薛三蔡大畱簡韓十四王簿

迢遞辭京華辛勤異鄉縣登高俯滄海迴首淚如
霰同人久離別失路還相見薛侯懷直道德業應

時選蔡子負清才當年擢賓薦韓公有奇節詞賦
凌羣彥讀書嵩岑間作吏滄海甸伊余寡棲託感
激多愠見縱誕非爾情漂淪任疵賤忽枉瓊瑤作
乃深平生眷始謂吾道存終嗟客遊倦歸心無晝
夜別事除言宴復值涼風時蒼茫夏雲變

送虞城劉明府謁魏郡苗太守

天官蒼生望出入承明廬肅肅領舊藩皇皇降璽
書茂宰多感激良將復吹噓永懷一言合誰謂千
里踈對酒忽命駕茲情何起予炎天晝如火極目

言系
無行車長路出雷澤浮雲歸孟諸魏郡十萬家歌
鐘喧里閭傳道賢君至閉關常晏如君將挹高論
定是問樵漁今日逢明聖吾爲陶隱居

途中酬李少府贈別之作

西上逢節換東征私自憐故人今卧疾欲別還留
連舉酒臨南軒夕陽滿中筵寧知江上興乃在河
梁偏行李多光輝札翰忽相鮮誰謂歲月晚交情
尚貞堅終嗟州縣勞官謗復迤邐雖負忠信美其
如方寸懸連帥扇清風千里猶眼前曾是趨藻鏡

不應翻棄捐日來知自強風氣殊未痊可以加藥
物胡爲輒憂煎驅馬出大梁原野一悠然柳色感
行客雲陰愁遠天皇明燭幽遐德澤普昭宣鷓鴣
列霄漢燕雀何翩翩余亦愜所從漁樵十二年種
瓜漆園裊鑿井盧門邊去去勿重陳生涯難勉旃
或期遇春事與爾復周旋投報空回首狂歌謝比
肩

睢陽酬別暢大判官

吾友遇知己策名逢聖朝高才擅白雪逸翰懷青

言系
霄承詔選嘉兵慨然卽馳輶清晝下公館尺書忽
相邀畱歡惜別離畢景駐行鑣言及沙漠事益令
胡馬驕丈夫拔東蕃聲冠霍嫖姚兜鍪衝矢石鐵
甲生風颺諸將出冷井一作陁連營濟石橋首豪盡
俘馘子弟輸征徭邊庭絕刁斗戰地成漁樵榆關
夜不扃塞口長蕭蕭降胡滿薊門一一能射鵰軍
中多宴樂馬上何輕趨戎狄本無厭羈縻非一朝
饑附誠足用飽飛安可招李牧制僭藍遺風豈寂
寥君還謝幕府慎勿輕芻蕘

宴韋司戶山亭院

人幽想靈山意愜憐遠水習靜務爲適所居還復
爾汲流漲華池開酌宴君子苔逕試窺踐石屏可
攀倚入門見中峯攜手如萬里橫琴了無事垂釣
應有以高館何沈沈颯然涼風起

同諸公登慈恩寺浮圖

香界泯羣有浮圖豈諸相登臨駭孤高披拂欣大
壯言是羽翼生迴出虛空上頓疑身世別乃覺形
神王宮闕皆戶前山河盡簷向秋風昨夜至秦塞

詩紀
多清曠千里何蒼蒼五陵鬱相望盛時慙阮步末
宦知周防輸效獨無因斯焉可遊放

同薛司直諸公秋霽曲江俯見南山作

南山鬱初霽曲江湛不流若臨瑤池前想望崑崙
丘迴首見黛色眇然波上秋深沈俯崢嶸清淺延
阻脩連潭萬木影插岸千巖幽杳靄信難測淵淪
無暗投片雲對漁父獨鳥隨虛舟我心寄青霞世
事慙白鷗得意在乘興忘懷非外求良辰自多暇
欣與數子遊

登廣陵棲靈寺塔

淮南富登臨茲塔信竒最直上造雲族憑虛納天
籟迴然碧海西獨立飛鳥外始知高興盡適與賞
心會連山黯吳門喬木吞楚塞城池滿窓下物象
歸掌內遠思駐江帆暮時一作情結春靄軒車疑蠢
動造化資大塊何必了無身然後知所退

登百丈峯二首

朝登百丈峯遙望燕支道漢壘青冥間胡天白如
掃憶昔霍將軍連年此一作北征討匈奴終不滅寒

言系
山徒草草唯見

一作

鴻鴈飛令人傷懷抱

晉武輕後事惠皇終已昏豺狼塞灑洛胡羯爭乾
坤四海如鼎沸五原徒自尊而今白庭路猶對青
陽門朝市不足問君臣隨草根

同羣公秋登琴臺

古跡使人感琴臺空寂寥靜然顧遺塵千載如昨
朝臨眺自茲始羣賢久相邀德與形神高孰知天
地遙四時何倏忽六月鳴秋蜩萬象歸白帝平川
橫赤霄猶是對夏伏幾時有涼飈燕雀滿簷楹鴻

鵠搏扶搖物性各自得我心在漁樵兀然還復
尚握樽中瓢

同羣公出獵海上

畋獵自古昔况伊心賞俱偶與羣公遊曠然出平
蕪層陰漲溟海殺氣窮幽都鷹隼何翩翩馳驟相
傳呼豺狼竄榛莽麋鹿罹艱虞高鳥下駢弓困獸
鬪匹夫塵驚大澤晦火燎深林枯失之有餘恨獲
者無全軀咄彼工拙問恨非指蹤徒猶懷老氏訓
感歎此歡娛

同羣公題鄭少府田家

此公昔任白馬尉今寄住滑臺

鄭侯應恓惶五十頭盡白昔為南昌尉今作東郡
客與語多遠情論心知所益秋林既清曠窮巷空
淅瀝蝶舞園更聞鷄鳴日云夕男兒未稱意其道
固無適勸君且杜門勿歎人事隔

同羣公題中山寺

平原十里外稍稍雲巖深遂及清淨所都無人世
心名僧既禮謁高閣復登臨石壁倚松徑山田多
栗林超遙盡巘嶸逼側仍巘嶽吾欲休世事於焉

聊自任

同羣公宿開善寺贈陳十六所居

駕車出人境避暑投僧家徘徊龍象側始見香林
花讀書不及經飲酒不勝茶知君悟此道所未搜
袈裟談空忘外物持誠破諸邪則是無心地相看
唯月華

同韓四薛三東亭翫月

遠遊悵不樂茲賞吾道存欵曲故人意辛勤清夜
言東亭何寥寥佳境無朝昏堦堦輝近洲渚戶牖當

言系
原矧乃窮周旋游時怡討論樹陰蕩瑶瑟
一作高
月氣延清樽明河一作月帶飛鴈野火連荒村對此
更愁予悠哉懷故園

同敬八盧五汎河間清河

清川在城下沿汎多所宜同濟愜數公翫物欣良
時飄颻波上興燕婉舟中詞昔陟乃平原今來忽
連漪東流達滄海西流延滹池雲樹共晦明并邑
相逶迤稍隨歸月帆若與沙鷗期漁父更畱我前
潭水未滋

同房侍御山園新亭與邢判官同遊

隱隱春城外蒙籠陳跡深君子顧榛莽與言傷古
今決河導新流䟽逕蹤舊林開亭俯川陸時景宜
招尋肅穆逢使軒夤緣事登臨忝遊芝蘭室還對
桃李陰岸遠白波來氣喧黃鳥吟因覩歌頌作始
知經濟心灌壇有遺風單父多鳴琴誰爲久州縣
蒼生懷德音

同馬太守聽九思法師講金剛經

吾師晉陽寶傑出山河最途經世諦間心到空王

外鳴鐘山虎伏說法天龍會了義同建瓴梵法若
 吹籟深知億劫苦善喻恒沙大捨施割肌膚攀緣
 去親愛招提何清淨良牧駐輕蓋露冕眾香中臨
 人覺苑内心持佛印久標割魔軍一作退願開
一作聞初地因永奉彌天對

連上題樊氏水亭

連上非所趣偶為世務牽經時駐歸棹日夕對平
 川莫論行子愁且得主人賢亭上酒初熟厨中魚
 每鮮自說宦遊來因之居住偏煮鹽滄海曲種稻

長淮邊四時常晏如百口無饑年菱芋藩籬下漁
 樵耳目前異縣少朋從我行復迤邐向不逢此君
 孤舟已言旋明日又分首一作風濤還眇然
 同呂判官從哥舒大夫破洪濟城迴登積
 石軍多福七級浮圖

塞口連濁河轅門對山寺寧知鞍馬上獨有登臨
 事七級凌太清千崖列蒼翠飄飄方寓目想像見
 深意高興殊未平涼風颯然至拔城陣雲合轉旆
 胡星墜大將德英靈官軍動天地君一作懷生羽

言終
翼本欲厚騏驥欵段苦不前青冥信難致一歌陽
春後三歎終自愧

事子孫表太青千差因者早屬屬
塞口塵微何轉門樓山寺寧映燐黑土斷有登調

初地百軍多斷子孫彩圖

同呂侯官外吾捨大夫如共齊地陔登蘇

所非日言茲即日又令首一風高雲迴然

熱耳目前異稜少阻從非行對與靈向不銜此音
身壯憂四仰常晏咬百口無幾平菱羊蕃籜下魚

盛唐第二十七

唐詩紀八十七

滁陽方一元彙編

海寧方天眷重訂

高適

五言古詩

三君詠并序

開元中適遊於魏郡郡北有故太師鄭公舊館
里中有故尚書郭公遺業邑外又有故太守狄
公生祠焉觀物增懷遂爲三君詠

魏鄭公

鄭公經綸日隋氏風塵昏濟代取高位逢時敢直言道光先帝業義激舊君恩寂寞卧龍處英靈千載竟

郭代公

代公實英邁津涯浩難識擁兵抗矯徵仗節歸有德縱橫負才智顧盼安社稷流落勿重陳懷哉為悽惻

狄梁公

梁公乃貞固勲烈垂竹帛昌言太后朝潛運儲君策待賢開相府共理登方伯至今青雲人猶是門下客

宓公琴臺詩二首

甲申歲適登子賤琴臺賦詩二首首章懷宓公之德千祀不朽次章美太守李公能嗣子賤之政再造琴臺末章多邑宰崔公能思子賤之政

宓子昔為政鳴琴登此臺琴和人亦閑千載稱其才臨眺忽悽愴人琴安在哉悠悠此天壤唯有頌

聲來

邦伯感遺事慨然建琴堂乃知靜者心千載猶相望入室想其人出門何茫茫唯見白雲合東臨鄒魯鄉

皤皤邑

一作邑

中老自誇邑中理何必升君堂然後

知君美開門無犬吠早卧常晏起昔人不忍欺今我還復爾

李雲南征蠻詩

并序

天寶十一載有詔伐西南夷右相楊公兼節制

之寄乃奏前雲南太守李宓涉海自交趾擊之道路險艱往復數萬里蓋百王所未通也十二載四月至於長安君子是以知廟堂使能而李公効節適忝斯人之舊因賦是詩

聖人赫斯怒詔伐西南戎肅穆廟堂上深沈節制雄遂令感激士得建

一作見

非常功料死不料敵顧

恩寧顧終鼓行天海外轉戰蠻夷中梯巘近高鳥穿林經毒蟲鬼門無歸客北戶多南風蜂蠆隔萬里雲雷隨九攻長驅大浪破急擊羣山空餉道忽

言
盛唐卷之二十七
三
已遠懸軍垂欲窮精誠動白日憤薄連蒼穹野食
掘田鼠晡餐兼焚僮收兵列亭埃拓地彌西東臨
事恥苟免履危能飭躬將星獨照耀邊色何溟濛
瀘水夜可涉交州今始通歸來長安道召見甘泉
宮廉藺若未死孫吳知暗同相逢論意氣慷慨謝
深衷

題尉遲將軍新廟

周室旣板蕩賊臣立嬰兒將軍獨激昂誓欲酬恩
私孤城日無援高節終可悲家國共淪亡精氣

在斯沈沈積冤氣寂寂無人知良牧懷深仁與君
建明祠父子俱血食軒車每逶迤我來薦蘋蘩感
歎興此詞晨光上階闥殺氣翻旌旗明明幽冥理
至誠信莫欺唯夫二千石多慶方自茲

觀李九少府葺樹宓子賤神祠碑

吾友吏茲邑亦嘗懷宓公安知夢寐間忽與精靈
通一見興永歎再來激深衷賓從何逶迤二十四
老翁於焉建層碑突兀長林東作者無愧色行人
感遺風坐令高岸盡獨對秋山空片石勿謂輕斯

言固難窮龍盤色綵外鵲顧偃波中形勝駐羣目
堅貞指蒼穹我非王仲宣去矣徒發蒙

同觀陳十六史與碑 并序

楚人陳章甫繼毛詩而作史與碑遠自周末迨
乎隋季善惡不隱蓋國風之流未藏名山刊在
樂石代美其事而賦是詩焉

荆衡氣偏秀江漢流不歇此地多精靈有時生才
傑伊人今獨步逸思能間發永懷掩風騷千載常
矻矻新碑亦崔嵬佳句懸日月則是刊石經終然

繼檣杙我來觀雅製慷慨變毛髮季子盡荒淫前
王徒貽厥東周既削弱兩漢更淪沒西晉何披猖
五胡相唐突作歌乃彰善比物仍惡訐感歎將謂
誰對之空咄咄

宋中十首

梁王昔全盛賓客復多才悠悠一千年陳跡唯高
臺寂寞向秋草悲風千里來
朝臨孟諸上忽見芒碭間赤帝終已矣白雲長不
還時清更何有禾黍徧空山

景公德何廣臨變莫能欺三請皆不忍妖星終自
移君心本如此天道豈無知

梁苑白日暮梁山秋草時君王不可見脩竹令人
悲九月桑葉盡寒風鳴樹枝

登高臨舊國懷古對窮秋落日鴻鴈度寒城砧杵
愁昔賢不復有行矣莫淹留

出門望終古獨立悲且歌憶昔魯仲尼悽悽此經
過衆人不可向伐樹將如何

逍遙漆園吏冥没不知年世事浮雲外閑居大
邊古來同一馬今我亦忘筌

五霸遞征伐宋人無戰功解圍幸奇說易子傷吾
衷唯見盧門外蕭條多轉蓬

常愛宓子賤鳴琴能自親邑中靜無事豈不由其
身何意千年後寂寞一作寥無此人

關伯去已久一作遠高丘臨道傍人皆有兄弟爾獨
為參商終古猶如此而今人一作人安可量

薊中作

策馬自沙漠長驅登塞垣邊城何蕭條白日黃雲

昏一到征戰處每愁胡虜翻豈無安邊書諸將已
承恩惆悵孫吳事歸來獨閉門

自淇涉黃河途中作十三首

川上常極目世情今已閑去帆帶落日征路隨長
山親友若雲霄可望不可攀於茲任所愜浩蕩風
波間

清晨泛中流羽族滿汀渚黃鵠何處來昂藏寡儔
侶飛鳴無人見飲啄豈得所雲漢爾固知胡爲不
輕舉

人頭盡白與我忽相訪手持青竹竿日暮
上雖老美容色雖貧亦閑放釣魚三十年中心無
所向

南登滑臺上却望河淇間竹樹夾流水孤城對遠
山念茲川路闊羨爾沙鷗閑長想別離處猶一作獨

無音信還

東入黃河水茫茫汎紆直北望太行山峨峨半天
色山河相映帶深淺未可測自昔有賢才相逢不
相識

言
盛唐卷之二十一
秋日登滑臺臺高秋已暮獨行既未愜懷土悵無
趣晉宋何蕭條羌胡散馳騫當時無戰畧此地卽
邊戍兵革徒自勤山河孰云固乘閑喜臨眺感物
傷遊寓惆悵落日前飄颻遠帆處北風吹萬里南
鴈不知數歸意方浩然雲沙更廻互
亂流自茲遠一作始倚檝時一望遙見楚漢城崔嵬
高山上天道昔未測人心無所向屠釣稱侯王
蛇爭霸王緬懷多殺戮顧此增慘愴聖代休
吾其得閑放

茲川方悠邈雲沙無前後古堰對河壩長林出
口獨行非吾意東向日已久憂來誰得知且酌樽
中酒

朝從北岸來泊船南河滸試共野人言深覺農夫
苦去秋雖薄熟今夏猶未雨耕耘日勤勞租稅兼
鳥鹵園蔬空寥落產業一作薄產不足數尚有獻芹心
無因見明主

茫茫濁河注懷古臨河濱禹功本豁達漢跡方因
循坎德昔一作竟滂沱馮夷胡不仁激一作渤滹陵隄

詩已
盛唐卷之二十一

防東郡多悲辛天子忽驚悼從官皆負薪畚築豈
無謀祈禱如有神宣房今安在高岸空嶙峋

我行倦風湍輟棹將問津空傳歌瓠子感慨獨愁

人子孟夏桑葉肥穰陰一作蒙蒙夾長津蠶農有時節田

野無閑人臨水狎漁樵望山懷隱淪誰能去京洛

顛顛對風塵

朝景入平川川長復垂柳遙看魏公墓突兀前山

後憶昔大業時羣雄角一作各奔走伊人何電邁獨

立風塵首傳檄舉教倉擁兵屯洛口連營一百萬

六合如可有方項終比肩亂隋將假手力爭固難

恃驕戰曷能久若使學蕭曹功名當不朽

皤皤河濱叟相遇似有恥輟榜聊問之荅言盡終

始一生雖貧賤九十年未死且喜對兒孫彌慙遠

城市結廬黃河曲垂釣長河裏漫漫望雲沙蕭條

聽風水所思強飯食永願在鄉里萬事吾不知其

心只如此

宋中遇陳二

常忝鮑叔義所期一作寄王佐才如何守苦節獨此

一作無良媒離別十年外飄飄千里來安知罷官

後惟見柴門開窮巷隱東郭高堂詠南陔籬根長

花草井上生一作垂萁苔伊昔一作寧敢望霄漢于今倦

蒿萊一作終然男兒命未達一作男兒須命達且

進手中杯一作俟塵埃

宋中遇劉書記有別

何代無秀士高門生此才森然觀毛髮若見河一作

山來幾載困常調一朝時運催白身謁明主待

詔登雲臺相逢梁宋間與我醉蒿萊寒楚渺千里

天晝不開末路終別離不能強悲哀男兒爭寫

貴勸爾莫遲迴

魯郡途中遇徐十八錄事

時此公學王書嗟別

誰謂嵩穎客遂經鄒魯鄉前臨少昊墟始覺東蒙

長獨行豈吾心懷古激中腸聖人久已矣游夏遙

相望徘徊野澤間左右多悲傷日出見闕里川平

知汶陽弱冠負高節十年思自強終然不得意去

去任行藏

遇冲和先生

言終
盛唐卷之二十七
十
冲和生何代或謂遊東溟三命謁金殿一言拜銀
青自云多方術往往通神靈萬乘親問道六官無
敢聽昔去限霄漢今來親儀形頭戴鸚鵡鳥一作冠
手搖白鶴翎終日飲醇酒不醉復不醒常憶雞鳴
山每誦西昇經拊背念離別依然出戶庭莫見今
如此曾爲一客星

魯西至東平

沙岸泊不定石橋水橫流問津見魯俗一作懷古
傷家丘寥落千載後空傳褒聖侯

東平路作二首

南園適不就東走豈吾心索索涼風動行行秋水
深蟬鳴木葉落茲夕更愁霖

明時好畫策動欲干王公今日無成事依依親老
農扁舟向何處吾愛汶陽中

清曠涼夜月徘徊孤客舟渺然風波上獨愛一作夢
前山秋秋至復搖落空令行者愁

東平路中遇大水

天災自古有昏墊彌今秋霖霖一作溢溢川原瀕洞

詩經
盛唐卷之三十一
十
涵田疇指途適汶陽挂席經蘆洲永望齊魯郊白
雲何悠悠傍沿鉅野澤大水縱橫流蟲蛇擁獨樹
麋鹿奔行舟稼穡隨波瀾西成不可求室居相枕
藉蛙黽聲啾啾仍憐穴蟻漂益美雲禽游農夫無
倚着野老生殷憂聖王當多作深仁廟堂運良籌
倉廩終爾給田租應罷收我心胡鬱陶征旅亦悲
愁縱懷濟時策誰肯論吾謀

登壠

壠頭遠行客壠上分流水流水無盡期行人未云

已淺才登一命孤劔通萬里豈不思故鄉從來感
知已

苦雪四首

二月猶北風天陰雪冥冥寥落一室中悵然慚百
齡苦愁正如此門柳復青青

惠連發清興袁安念高卧余故非斯人爲性兼嬾
惰賴茲樽中酒終日聊自過

濛濛灑平陸淅瀝至幽居且喜潤羣物焉能悲斗
儲故交久不見鳥雀投吾廬

孰云久閑曠本自保知寡窮巷獨無成春條秬盈
把安能羨鵬舉且欲歌牛下乃知古時人亦有如
我者

哭單父梁九一作少府

開篋淚沾臆見君前日書夜臺今一作空寂寞猶是

子雲居疇昔貪一作探靈竒登臨賦山水同舟南浦

下一作夜望月西江裏契闊多別離綢繆到生死九

原卽何處萬事皆如此晉山徒嗟峨一作峨斯人已

冥冥常時祿且薄歿後家復貧妻子在遠道弟兄

無一人十上多苦辛一官常自哂青雲將可致

日忽先一作西盡唯有身後名空留無遠近

哭裴少府

世人誰不死嗟君非生慮扶病適到官田園在何
處公才羣吏感葬事他人助余亦未識君深悲哭
君去

哀夫

夷公不辜夷風葬事於人坦余衣未緇哉采悲哭

甘人籍不取望吾非主豈其祗離臣官田園其何

哭妻少孤

日忽夫

盡朝亦良好各空留無處也

一人十土多苦辛一官常自西青雲幾何

